




浙江圖書館



915.1242
0027



浙江圖書館



浙江圖書館



浙江圖書館



浙江圖書館

嘉興府志卷之十二

浙江圖書館藏



浙江圖書館

嘉興府志卷之十二

知嘉興府事閩陽吳永芳纂修

名宦

自召南詩人以菱舍甘棠誌美召伯而宦之名始起
厥後去思有峴山有石皆宦也則皆名也嘉郡之
宦夥矣既已官師著其姓氏復列之名宦亦猶史之
傳循吏也顧官師之載美惡不嫌同辭此特表而出
之以見宦於斯者務思留其名而欲留其名者尤不
可不務其實也誌名宦

監鎮

館



2072685

晉

高史君佚其名建武中爲嘉興監屯田校尉鎮靜不擾民受其惠累遷黃門侍郎

唐

朱自勉廣德中爲嘉禾屯田都知修水利畝畝之政民始殷富李翰有屯田紀績頌

五代

曹信仁和人唐末兵興保臨平鎮後移鎮嘉興始城其地子珪嘉興都將乾寧中淮人圍之珪登樓張樂縱酒矢石交至晏如也卒與族人師魯固守寇不敢逼

錢鏐壯其功受蘇州刺史

錢鏐壯其功授蘇州刺史

宋

章綽宣和初提刑浙西時禾民高安與陳氏有怨乘方臘起誣陳爲盜綽察其情寘安于法稱神明終戶部侍郎

元

瞻思字得之真定人至元初浙西廉訪僉事時僧尼多隱避徭役民力日耗思勘嘉興路凡二千七百餘人皆勒歸供賦著爲令

明

夏原吉字維喆湖廣湘陰貢士永樂時爲戶部尙書奉
命來浙治水時議水退地肥宜召民佃耕以益國用
原吉嘆曰民疲極矣救死不暇可重役乎馳奏寢之
少師姚廣孝稱爲古之遺愛

趙居任官右通政永樂時督浙西塘務勤于指授凡所
督築悉堅厚牢固至今賴之

喻良字顯忠叙州高安人永樂初以叅議來治嘉興農
政築東根古壩爲政寬易民思慕之嘉善縣有其祠
胡槩字元節江西豐城人宣德四年以大理卿巡視兩
浙歲旱民多逋賦奏請捐之請析嘉邑西北爲秀水

東北爲嘉善析海邑之東爲平湖崇德之北爲桐鄉
尋遷都御史權貴歛跡

周忱字恂如吉水人宣德時以侍郎巡撫浙直修築海
塘垂久無傾圯患禾郡大饑請移松常官粟賑之民
賴以活

楊瑄字廷獻江西豐城人成化三年任巡海副使築海
塘千餘丈民懷其德立廟祀之

林文沛長樂人官工部郎中嘉靖時奉勅督修海塘廉
靜不擾於民時進諸生講論經義人號爲儒吏

黃光昇晉江人嘉靖時爲水利僉事修築海塘以千字

嘉興府志 卷之三
文編號便於查葺海邑至今賴之

王忬太倉人嘉靖時以都御史提督軍務嚴接濟之律
寬損傷之條開招撫之令時叅將俞大猷湯克寬俱
有材略忬虛已任之巨寇王直徐學毛勲等據海爲
亂忬監二人爲前鋒大破之又計賊所繇道各遣兵
衛禦城圯者修之無者創之賴以全活者凡二十餘
縣

陳宗夔湖廣人任江浙副使其時兵燹蝟集宗夔雖撫
恤盡善終掛冠而去

姜廷頤巴陵人嘉靖癸丑爲嘉湖道值倭寇侵境鹽城

被圍廷願躬冒矢石偕潘公恩協守卒無恙

胡宗憲字汝貞績溪人以御史巡按浙江時寇勢方熾宗憲設計令村舍置酒於道酒中盡投毒藥賊至飲之多歿連敗於王江涇平望鎮拜僉都時王直徐海辛五郎諸寇作亂宗憲以方略次第討平之殲海平湖之沈家庄晉大司寇尋被逮以羅龍文事死獄中隆慶初復官予祭葬

阮鶚字進薦桐城人嘉靖時浙江提學副使時倭寇初起鶚募死士保守杭之武林門擢巡撫巨寇徐海之亂鶚遇于皂林遂入保桐鄉城與鄉宦王三錫知縣

嘉興府志 卷之三 四
金燕分兵堅守月餘解去尋合兵胡宗憲共擊海寇
晉副都移撫福建

劉燾天津人嘉靖初倭犯海鹽燾為兵部郎廷薦領兵
禦倭有沈庄乍浦王江涇諸戰斬獲甚夥著浙西海
防藁

莊國禎晉江人嘉靖時為兵備道駐節郡中廉肅清慎
不擾于民遷河南方伯

王樵金壇人嘉靖進士甲戌分巡浙西道立政寬簡兵
民咸沐其惠所著詩文集士子多誦法之

蔡懋德字雲怡崑山人崇禎庚午任嘉湖副使時劇盜

屠阿丑聚黨劫掠懋德以計擒之著勸民詞四十條
訓兵三十六篇至今傳之擢山西巡撫殉難卒謚忠
襄

宋繼登字先之萊陽人崇禎庚辰任嘉巡道旱饑設法
賑濟民感之

吳克孝號魯崗大倉人崇禎甲申任嘉湖副使時郡中
盜賊羣起克孝練鄉勇數百人擒青腰賊首黃文姚
二等斃之又斬積盜葉六斗張三餘黨焚籍不問高
太監潰兵泊河干榜示不敢登岸德威並布

國朝

霍達字魯齋陝西人順治壬辰由進士任分巡道長於
聽斷吏胥不敢骫法嘗夜出擒盜盜畏之終其任不
入境開濬城河建真如塔皆捐資首倡躬自經理

史燧字曉瞻溧陽人順治丁酉任分巡道值海寇侵境
燧以靜鎮惟設暗兵于城以備不虞晝夜躬自偵緝
戒軍士不許擾民民懷其德

上官鑑字金鑑山西人順治庚子由進士任分巡道持
躬淳正安靜不擾以秩滿遷去

府職

晉

錢元弼崇德人天福三年置秀州元弼爲刺史以惠愛稱官終金吾大將軍

宋

王恕饒陽人後唐時童子及第開寶中知秀州盜起城陷不屈死子濟方升角伏屍號慟指盜曰誓勦汝雪吾父讐也盜感其孝舍之官軍至濟謁帥陳討賊計帥聞于朝假驛以歸後以死事孤試學士院補官

柳植字子春真州人進士歷集賢院開寶中知秀州一介不取世傳其賢終吏部侍郎

李餘慶字昌宗連江人景德初爲秀州判官境多鹽盜

設華亭海鹽二監俾業鹽者歲入常緡以杜私販又築石堤數百丈捍除水患至今賴之

劉師道字損之東明人進士景德中知秀州敏於吏事按無留牘累官樞密院直學士

羅拯字道濟祥符人進士景德中知秀州賦性和易不與人校是非所至興利除害吏民安之歷官天章閣待制

耿肱字天來揚州人祥符時爲秀州知州值郡治傾圮肱創新之又移建郡學日偕諸儒談論經義在官六載清慎不擾人頌其廉

葛宮字公雅江陰人進士祥符中知秀州州有關闈婚
葬趨期者多爲所阻宮力去之歷官工部侍郎

錢藻字純老和州人進士大中祥符間爲秀州判官州
有徐猛者以勢自豪數出辱里中婦人長吏莫能禁
藻至以術捕之

葉清臣字道卿長洲人進士天聖時知秀州上書論天
下事陳九義十要五利皆當時要務終侍讀學士

林希字子中咸平時知秀州與南豐曾鞏友善在官時
陳師道曾上之書

聶厚載皇祐中知秀州剔奸弊蘇困窮以循良聞

錢顓字道安無錫人治平末爲殿中侍御史熙寧新法

行顓極言其弊貶徙秀州遂卜居焉家貧母老每貸

親舊以給朝哺怡然自如

按東坡集及嘉禾志顓時貶徙秀州監稅非知州也

劉寧止字無虞歸安人進士熙寧中知秀州振興文教

士習爲之一變官終吏部侍郎

丁銳會稽人熙寧中爲秀州司戶在官著仁政活民書

二卷

李定熙寧中以孫覺薦爲秀州軍事推官廷對稱旨擢

監察御史

孫洙字巨卿廣陵人熙寧中爲秀州法曹初至人以書

生易之及斷事精敏民盡懼伏

王覲如臯人進士熙寧時爲秀州司戶叅軍哲宗卽位擢右司諫陳知人安民之術累官龍圖學士先是州有嚴綜者謀爲不軌事覺逮捕千餘人綜竄跡不能得覲至以計獲綜分別註誤坐預謀者止七人餘悉釋之人服其平

張先字子野烏程人進士元豐中爲秀州判官有俊才建花月亭時與學士大夫往來賦詩其中其所作詩有雲破月來花弄影之句至今人傳誦之

韓瓘字德全開封人叅政億之曾孫元豐時知秀州蒞

嘉興府志 卷之三
八
官明敏人稱其有忠獻公家法

沈括字存中錢塘人進士以博洽聞于時累官龍圖學士元祐初謫知秀州軍事閒敏稱名守

毛滂字澤民江山人政和間假守禾家焉先是元祐間蘇軾守杭滂爲法曹秩滿辭去軾聞滂詩名折簡追之留連數月有東堂集行世

姚憲字令則姚舜明子政和中以父任補海鹽丞後知秀州土豪錢安國舍匿亡命爲盜州縣莫敢詰憲擒之并友黨悉置于法焚其巢穴州里遂安浙西大水民饑憲請輸粟萬斛以賑累官叅知政事

洪皓字光弼鄱陽人進士宣和中爲秀州司錄大水民
饑發官廩平糶于民不能自食者煮粥食之立屋東
南兩廢寺男女異處令嚴而惠徧浙東綱米四萬斛
過城下皓白守邀留以濟守不可皓曰願以一身易
十萬命竟留之全活萬五千餘戶後秀軍縱掠過皓
所治相戒不犯使金留十五年執節不屈高宗比之
蘇武累官端明殿學士謚文惠子适遵邁相繼登科
禾人爲皓建祠顏曰三瑞堂

章緯浦城人建炎時爲秀州判官時水旱相繼緯上疏
請緩賦稅又奏置義倉以忤時宰報罷尋復原官先

後在郡凡十八年民沐其惠最久

樓昇字試可奉化人宣和初知秀州甫至州中大旱昇

取向時囚獄按之釋寃七十二人不數日大雨累遷

徽猷閣待制

宋昭年宣和間知秀州會睦賊方臘起陷郡縣昭年繕

脩城隍為備已而賊將方七佛引眾七萬攻城昭年

與統軍王子武死守後大軍至合擊之斬首九千上

嘉其功賜詔進秩

程俱字志道歙縣人進士建炎初直秘閣歷知秀州值

駕臨幸陳中興數策上嘉納之及金兵南渡據臨安

俱奉命管押錢幣航海至永嘉既期見以病丐歸官

俱奉命管押錢幣航海至永嘉既朝見以病丐歸官
終徽猷閣待制

黃灝字商伯都昌人進士建炎中知秀州兼提舉浙西
常平州大饑時有停閣夏稅之旨灝請併閣秋苗不
俟報行之言者罪其專削兩秩而從其請人口祝之
鄧根字潑伯昭武人進士建炎初知崇德縣討陳通及
徐明有功遷知秀州
方滋字務德桐廬人紹興初守嘉興急吏寬民百廢具
舉徙建州學以興教化

胡沂字周伯餘姚人紹興時知秀州軍事推官時播遷

之餘盜賊蠡起獄訟繁興沂務忠厚而不廢摘發終
禮部尙書謚獻簡

汪義端字充之黔縣人乾道丁丑廷對第三知秀州有
勢戶佔田數千畝凡十餘年不輸賦義端責其償而
以田歸民

徐藏字子禮吳人進士初知江陰軍乾道末知秀州以
文章飭吏治無苛猛之政吏民舉安

丘密字宗卿江陰人進士乾道時知秀州時華亭捍海
隄廢潮壞民田密奏請脩築合東西兩岸塘凡八十
四里蘇湖秀三州之民悉利賴之累官同知樞密院

事謚文定子壽邁司農卿家州之石門

鄭伯英字景元永嘉人進士乾道間爲秀州判官臨政
果斷一洗紹聖以來積弊有僧馬必昌挾妖術滯人
婦女廉訪寘之法尋以親老辭任

韓彥質淳熙時守嘉興遇事精敏下車甫數月豪猾懾
伏久之與民休息郡以晏然

孫夢觀字守叔慈谿人進士淳熙中知嘉興府布衣蔬
食郡民感化爲節儉又奏蠲冗稅請積粟以防水旱
累官吏部侍郎

張元成字純一淳熙中知嘉興府善屬文創郡志二十

嘉興府志 卷之三
六卷累遷禮部侍郎

唐璘字伯玉古田人紹興時爲監察御史劾奏丞相李
鳴復不報陳乞外調除嘉興知府在郡無幾政通人
和及去父老遮道送之官終太常卿

喬行簡字壽明東陽人進士紹興中守嘉興沉幾練達
政有綱紀歷官少師封魯國公謚文惠

王介字元石金華人從朱熹呂祖謙遊登紹興進士歷
宗令論許奕等五人相繼去國乞外調除知嘉興府
有惠政內擢少卿

岳珂彰德人嘉定中爲嘉興守痛祖武穆公爲秦檜所

陷政暇輒屏居金陀坊著籲天辯誣天定錄諸書題
曰金陀稗編又延鄉先達關棊表卿續脩嘉禾志凡
十六卷

呂正己字穆叔嘉定時守嘉興郡民好訟正己數以善
言諭之由是感悟去官後往來吳越間纂輯舊聞二
卷屑言一卷詩總一卷行世

彭欽字仲恭清江人嘉定間以父蔭授軍器監主簿或
欲刪其父所編內治聖監欽持不可調嘉興通判監
司表其廉平

劉漢鵬字正甫上虞人進士嘉定中知嘉興府居官論

事悉中時務終戶部侍郎謚曰忠

趙與嘗字中父憲靖王伯珪曾孫初任浙西提刑司有政績淳祐時守嘉興號循吏

謝堂天台人寶祐時爲嘉興守創建儒學門增設講堂又置學田若干畝以惠貧生都人士感之累官大司農

皮龍榮字起霖景定初叅知政事知嘉興府有智略精春秋學在官時校經翼若干卷後爲賈似道所擯徙知衡州

陳塤字和仲鄞人省部試皆第一景定中爲太常博士

娶史彌鞏女而不附彌遠出爲郡守政因人情民以
休息公庭虛閒日進衿佩相與問難旁郡之士皆借
廬來歸彌遠死召爲樞密院編修士民涕泣請留不
報終國子司業

陳著景定中著作郎上疏論賈似道害民摘知嘉興府
時徐經孫亦論似道致仕去經孫所舉陳茂廉時爲
公田官分司嘉興曰我不可以負徐公亦致仕去時
人稱爲三烈

趙景緯字德夫於潛人咸淳時知府事以護根本正風
俗爲務累官禮部侍郎謚文安

陳肖孫奉化人咸淳初爲戶曹以善政事出知嘉興府
以廉潔聞於時

元

館

辛仲寶字仲和彰德人大德初守郡政績修明興利舉
廢悉中民情

高睿河西人大德間歷官侍郎出爲嘉興總管盜晝掠
民久捕不得睿下令生擒之遷廉訪使

八札崇至順時爲嘉興州守建州學大成殿卒于官士
子思之

和元昇字仲德東平人泰定間爲守有和平寬厚之稱

杜浦至正中爲嘉興路總管勸農桑除疾苦興學造士
治行稱最

鄭大忠字義甫延祐時爲嘉興路推官以廉敏聞時郡
訟分壅囚繫充斥大忠悉決遣之徬郡縣訟獄者皆
願就訊稱神明

貢師道字道甫宣城人延祐中官編脩脩宋遼金史忤
當事意出爲府治中廉平正直人忌憚之採輯郡中
軼事成書顏曰嘉禾雜錄未竟卒

褚君寔石樓人泰定中爲嘉興路治中政事精明他郡
冤滯多赴訴之後爲淮東廉訪副使守危城城陷死

嘉興府志 卷之三
節世比之張巡追封衛國公謚忠肅

陳春至正中爲路推官時私鹽獄興繫千餘人不決春
一訊釋被誣者數百人時方久旱大雨驟至人號爲

陳公雨

方道叡字以愚淳安人進士至正中由編修任推官凡
聽讞必解獄囚桎梏賜之飲食溫辭反覆務得其情
民爲之語曰方公一斷死而無怨官至員外郎

劉貞至正中爲嘉興路總管時四方多難貞政務寬仁
民安撫字大興學校去任人皆遮道涕泣攀挽如失
召杜焉

單慶至元中爲郡經歷延郡博士徐碩纂輯至元嘉禾
志三十二卷前此舊章悉賴以考證云

明

呂文燧字仲明永康人洪武元年守嘉興松寇錢崔臯
聚衆二萬餘攻城文燧以計白于行省李文忠擒之
諸將欲屠城文燧爭曰據城者賊于民何辜乃釋不
屠尋奉使闈婆卒于道郡人哭之建遺愛堂

謝節字士毅洪武初知府時干戈甫定與民休息每芳
辰騎從出遊使民知太平氣象

蔡楫字昇甫洪武丙辰知嘉興府加意學校士子多推

崇之至正時同知李元白創綠谿書院于郡城之南
至是已廢楫踵而脩之當時曹仁孫固陸定弋其卿
輩咸讀書其中

薛祥字彥祥洪武初爲京畿都漕使上以蕭何寇恂比
之遷工部尙書丞相李善長胡惟庸惡之左遷布政
尋被讒謫嘉興守愛民節用稱爲循良惟庸誅召入
見上曰奸臣每讒汝汝何不一言祥曰臣但自省何
敢訴人復爲工部尙書

浙

何敏中廣信人以太行卓異舉爲令上書言時政上遣
行人賜金帛酒醴洪武巳巳守嘉興政聲茂著

龐安洪武中通判時鹽政殊嚴安獲鹽徒械送京師而
以鹽賞捕獲者部臣以違例取安罪狀安上書曰律
者萬世之常例者一時之旨今欲遵例而行則與給
賞應捕之律相違而使陛下失大信于天下也上是
其言詔如律

趙豫洪武末爲郡推官囚有絕餉者縱使就食或教囚
亡囚不聽人謂豫德感云

劉觀洪武時知府癸未禾郡大饑發帑煮賑所活甚夥
治郡三載政治肅然永樂元年召拜戶部侍郎

蔣廷瓚洪武時通判在郡九載廉潔自矢遷去時止敝

身與所元 卷之三
衣數簾郡人鄒濟銘其墓稱其在官時布衣蔬食不
媿古之循吏

楊得安宜興人監生永樂初知府政事和易與物無競
寮案咸推服之擢僉都御史

齊政山陽人進士永樂中知府時徵役鑄錢苦妨農事
政編之爲三番以期代更迄役而民不知勞

劉燾字尙載太和人監生永樂中自柳州移守慈祥愷
悌不任刑威郡人愛之尋調寧波歷守七郡皆有惠
政

劉縉字縉紳淮安人國子生宣德初同知剛果有爲視

事九年以致仕去

張恭忻州人宣德初經歷剛直廉介不攜家累粗衣糲食無異寒士遷壽陽知縣先是有尹道充者安福人任經歷亦有廉能之譽

黃懋字子勉進士正統初知府奏築捍海隄建濟衆倉繕浚乍二城尤注意學校拔呂原諸公于茂才中朔望必詣廟學舉行曝書之禮擢福建方伯奉使還卒于嘉興其後遂卜居焉

王應清江陵人正統時同知性寬易不苛于民民感之擢池州知府

舒敬字守中靖安人進士景泰時守嘉興能燭吏民情
偽篤意教化營郡縣學宮課諸生以經術燕語從容
咨訪得失以忤中貴坐免

楊繼宗字承芳陽城人進士成化時知嘉興府在郡九
年民愛之如父母嘗立社學延文行士爲師肄業于
中登科第者踰二十人有張氏父子號四凶爲民患
繼宗戒之不悛仍劫桐鄉庫絹收捕論死張賄當路
求脫當路以無原告爲解繼宗曰請以朝廷爲失主
知府爲原告當路語塞竟論死富民有患壻貧告停
婚者繼宗責富民輸二百金聽別擇壻旣具語之曰

我以此付爾壻立家爾女得所矣令卽日成婚居恒
廉靖自持有中貴王欽義道經于禾誅求夫役驛馬
繼宗謝曰吾民貧甚不堪當往來者騷擾幸卽發欽
義不敢留卽謝去又孔御史行郡箠楚殺人繼宗輒
面數之孔切齒直入其室索所藏僅圖書數簏旅次
蕭然遂大慚感謝出境丁亥戊子歲饑上救荒六議
辛卯浙東大旱又移羨餘賑濟事急不及請于督儲
督儲惡其專行郡按之甫展牘風雷驟起督儲駭異
遂行是歲擢按察使尋陞副都御史民爲建祠歲時
祭祀至今不絕

楊冠字尚文欽州人監生成化初任同知佐郡最久稱
良吏擢平樂知府

徐霖字用濟金溪人成化中知府器宇冲雅政事敦龐
二十三年夏旱奏請減賦格于例再三申請卒得蠲
免民永戴之

柳琰字邦用儀真人進士弘治初守郡廉慎淳確政有
條理後患病劇僚友傷其廉悉索琰在郡所積羨贖
請以歸之妻孥琰曰吾豈以垂盡易所守哉又郡久
無志琰聘平湖學諭林光重輯之

梁材字大用大城人正德初郡守精悍廉介善摘發奸

伏吏牘章程皆有刻限胥吏不敢欺郡號神明改知
杭州累官戶部尚書

陳琳字玉柔莆田人進士提督南畿學政忤宦官劉瑾
謫嘉興同知尋擢知府務以德化民嚴絕請託尤加
意士子興起道藝士民愛之累官兵部侍郎

伍文定字時泰松滋人正德中爲府同知時流寇猖獗
文定練兵訓士防禦甚周民以無恐後佐王守仁擒
宸濠官至兵部尚書

李伸字道甫三原人進士正德時爲監察御史按江西
預防宸濠有功擢守嘉興以道自重對吏民不怒而

威有大豪侵官錢事覺在繫奸利益甚伸廉得之併收其子卽定爰書有殺長兄謀奪其官者不輸狀伸一訊卽服于是奸惡束手無敢撓者每從士子講學詰問至忘等威及遇事不假毫髮舉措因民不干聲譽去郡士民思之

孟津字有涯信陽人正德中御史左遷嘉興同知蒞官清白不事矯飾名重于時終大理卿

徐盈字子謙貴溪人正德時知府宸濠之變武宗南征所過供億繁重吏緣爲奸百姓驚擾盈鎮靜不遽科派及回鑾事寢視他郡獨晏然時常熟濬白茅江當

事者檄發郡丁數十萬盈曰白茅水患于吾郡差緩
驅吾民遠役不忍也移文助費不就徵發巡鹽御史
行郡鞭撻亭竈勒報鹽丁里胥乘機虐民盈力爭之
御史曰此有往例盈曰例自公作亦自公止豈國憲
耶獲止又加意學校士皆興行吏民守法風俗一變
後以讒免郡人立石紀績

蕭世賢桐城人嘉靖時知府端靜嚴飭禮賢好士蓋自
持介操而不釣時譽良大夫也

何祉字德徵進賢人嘉靖時知府衣無重彩食不兼味
士民頌其廉靖遇事侃侃不阿以忤權貴去

王學孔安福人嘉靖時知府時旱蝗相仍齋戒步禱甘
雨立應歲復疫癘乃大洗犴狴又發粟賑饑全活甚
衆聽訟未嘗妄撻一人至豪右以權力凌人者毫不
假借遷湖廣副使

劉邦采安福人潛心理學從陽明先生遊嘉靖癸卯除
嘉興府同知清慎端恪待民以慈而弭盜禁奸發隱
摘伏人咸賴之

趙瀛三原人嘉靖乙巳任知府政尚剛毅多所興革疏
濬城河以其土運之南湖烟雨樓
出糧多則胥吏
緣而爲奸乃分田地山蕩二則賦
百世賴之

又脩郡志著有史斷小學紺珠諸書
劉慤萬安人字致卿進士嘉靖辛亥知府值夏旱慤率僚屬拜禱月餘卒得澍雨歲以大豐癸丑倭寇侵境慤率軍民晝夜防守寇至洞啟四門納郊關男女多所全活激厲三軍以致大捷時撫按交集視師添設督察大臣經略平善崇桐四城供億百出工役旁午慤殫力承事纖芥無擾于民有挾權凌之者慤不爲屈舊額瀕海歲貢黃魚慤以兵興特疏奏請卒得停免

張任字希尹嘉定人進士歷吏部郎中嘉靖中謫嘉興

嘉興府志 卷之三
同知時倭寇侵境軍費不貲任與郡守劉慤協心撫
字民得安堵後擢巡撫都御史

范鵬字翼卿四川人舉人嘉靖中除府同知歷任八載
政尚寬和以地遠告去民懷其德

殷廷蘭廣東人嘉靖癸丑進士授嘉興府理刑性端嚴
聽訟不輕出入署平湖事倭至僅隔一水時未有城
蘭令市民聚處晝則揚兵夜則列炬賊疑有備悉遁
去百姓勸呼相賀蘭曰是幸也不可再隨申請築城
經畫措置盡出于公以丁父憂去

侯東萊掖縣人進士嘉靖時知府時倭寇甫平沿城增

黃建敵樓以備不虞又學宮侵壞捐帑新之官至刑部
侍郎

蔡廷臣江西人進士嘉靖時任司理抗直不阿斷獄詳
允爰書悉出其手吏胥莫敢爲奸時有豪右骫法必
置諸理不少貸召爲御史分守嘉湖隨轉觀察使民
受其惠最久

李椽豐城人進士隆慶時知府加意學校集諸生論文
講道諄諄如父兄師長于民之窮獨者撫摩尤摯嘗
令屬吏俾各捐羨餘置義田以惠貧民又濬漕河築
海塘至今稱便蒞任四載調守梧州民懷之立石于

三塔寺東以志不忘

蔡民望舉人隆慶時爲同知謹厚篤寔署善邑篆刑清政簡深得民心

陳文炅江西人進士萬曆時任府司理寬平有度讞獄之暇進諸生講論經義品題科目不爽尺寸

黃希憲金溪人進士萬曆時知府以清白自盟置天監簿登記贖鍰毫不自私聽訟恒以情理相叅人情帖服尤勤于課士躬親校藝時爲諭俗文以諷戒小民今所傳資仕編是其在官時所著也

黃清掾吏也先任台州府幕萬曆初以薦擢嘉興府同

知時海塘傾圮奉命督脩經營盡善又開濬裏河運石鑄鐵獸以鎮潮稱能吏云

王以脩達州人進士萬曆時知府遇詞訟片言立決人號神明守郡甫十月以丁內艱去父老攀轅臥轍口碑不絕於道

方揚歙縣人進士萬曆時以戶部郎謫同知時有胥吏父死欲火者揚給棺以葬因禁民焚屍歲饑疫興捐俸施藥署善邑篆值丈田故多積弊揚躬親覈制豪右不敢爲奸尋擢杭州守

曹光德黃州人進士萬曆時任推官在郡三載纖毫不

染于民立政清簡臨事坦白時人方之趙清獻公以
丁憂去

朱邦喜江西人萬曆時同知才優煩劇而性仁慈羨餘
不入一錢署平湖篆有惠政清查尺藉以除蠹弊折
疑獄片言立解佐郡十載解組去囊橐蕭然吏民嗟
服

曹代蕭歸德人萬曆時知府宅心平恕禁胥吏擾民省
罰鍰剔奸蠹甦舖行清驛傳設立社學義倉義塚仁
政纍纍旣去民祠祀之

吳國仕歙縣人萬曆時知府均平徭役以甦民困尤加

意學校每進諸生講論經義值海塘傾圮經理脩築
遇旱步禱輒應

鄭瑄字鴻逵福建人進士崇禎時知府政務簡淨聽訟
必折以理不少假借革除吏弊興起文教脩郡學建
弘文館又濬城河築官塘以便往來遷寧紹副使士
民刻像于石累擢大理寺卿

李仕亨晉江人進士崇禎時知府立政寬大民樂其和
時疫癘盛行仕亨選醫官設局施藥賴以生者甚衆
文德翼號燈巖九江人進士崇禎時推官察吏精明長
于折獄作興士類著述甚多行取去

國朝

史載字筆公蘭陽人進士順治乙未守郡剛明正直不
畏強禦每鞠盜得寔立時磔首由是盜靖民安性廉
介屏却餽遺時郡學久圯載發帑修葺殿廡一新
尹從王字含美山東人進士順治乙未任推官執法清
嚴一時豪右避跡立漕糧官兌法軍民不相見至今
遵行之

張作礪順天人貢士康熙壬子任同知政寬大不務矯
刻及遇豪右執法未嘗少貸德威並濟時人畏而懷
之

季舜有揚州人監生康熙戊午任同知發奸擿伏積弊
盡革所決疑獄甚夥郡人奉爲神明

王師夔南城人舉人康熙庚戌任知府服官清慎而時
濟以威嚴時賭博盛行廉訪一二寘之重法又漕糧
故多積弊師夔屢爲禁革胥吏不敢私派民稱便安
袁國梓松江人進士康熙戊午任知府性仁厚時有惠
及于民公餘之暇惟以吟咏自娛著齊政錄四卷嘉
興府志二十卷

閻若琛字沛仲太原人進士康熙壬子任知府居官嚴
謹門無私謁治郡四載百廢具興至今人思慕之

項鍾巖字睦州漢陽人貢士康熙壬午任通判操守耿
介纖屑不取于民督漕巡鹺俱有惠績禮賢下士尤
爲時人所稱

張含章字豐村鑲紅旗人貢士原籍太原康熙丁亥任
同知儒雅風流爲同官所倚重屢攝郡邑篆斷事精
敏人不敢干以私丁亥戊子歲饑奸民聚衆剽掠含
章捕首倡者重懲之郡賴以安

佟賦偉奉天監生康熙三十八年知嘉興府遇事務期
仁恕而奸猾自嚴憚之城河堙塞日久賦偉捐帑開
濬增修郡庠樂器教演樂舞生春秋丁祭執事

嘉臧憲祖康熙丁亥任知府時委丈畝田履畝濇釐並無
隱佔各缺各補照額完糧杜善邑百年之爭又濇深
嘉溝洫漕艘農田兩利之館

浙江圖書

壬胡之字修

勵善屬文

欲接輯

張含章字... 同知儒雅風流為... 敏人不敢干... 意...

江圖書館

修... 浙年知嘉興府過事務期

... 善邑百羊之年反...

... 並無

嘉興府志卷之十二

知嘉興府事閭陽吳永芳纂修

嘉興縣

晉

王胡之字修齡穆帝時為嘉興令治身清約以風操自勵善屬文為世所重仕至郡守侍中石季龍死朝廷欲綏輯河洛以胡之為西中郎將司州刺史假節以疾固辭

劉宋

沈演之字臺貞武康人元嘉時為嘉興令有能名累官

吏部尚書演之少有異質年十一尚書劉柳見而異之曰此童終爲令器比出仕所至咸著惠政

宋

周沆字子真益都人皇祐中知嘉興縣摧強扶弱清慎嚴謹始終如一後以丞相富弼薦擢鳳翔通判累官戶部侍郎司馬光撰碑

孫復字明復平陽人當世大儒如文忠歐陽公文正王公皆尊禮之范仲淹富弼言其道德經術宜在朝廷天聖中召拜校書郎國子監直講嘗召見邇英閣將爲侍講而嫉之者言其講說多異先儒遂止有徐州

孔直温以狂謀捕治索其家得詩有復姓名坐貶監

虔州商稅徙泗州又徙知長水縣

按長水係河南縣今仍舊志列此

王存字正仲丹陽人慶曆六年進士調嘉興主簿累擢
檢討知太常禮院性高邁不隨時俗步趨時尚雕篆
存獨爲古文聞者嘆爲不可及

蘇袞武功人皇祐間知嘉興縣以文章政事稱

韓晉卿字伯脩安丘人以五經中第皇祐中爲嘉興主
簿治尙循良奏課第一歷官大理卿嘗奉詔按寧州
獄奏對稱旨士大夫服其忠厚

錢酥嘉祐間爲嘉興令決獄如神吏民懾服

高覲字會之宿州人進士熙寧中爲嘉興主簿謙已愛
民有循吏風以孫奭薦改著作郎累官集賢院學士
陳說淮南場茶法利害奏罷採金抗論互市賑窮戢
暴史臣稱之

高元常字復明宿州人元祐中爲嘉興丞決獄明斂民
不能欺改轉運使侯利建見而嘆曰君非久居此者
也遷山陽令三載囹圄屢空轉奉議郎

陸蒙老字元光歸安人宣和初爲嘉興令博雅善詩後
改晉陵令時有州幕官好讒同列一日同會聞蟬謂
蒙老曰君可咏此否卽席咏曰綠陰深處汝行藏風

露從來是稻梁莫倚高枝縱繁響也應回首顧螳螂
其人自是少戢

陳昱字近展紹興時爲嘉興令建名臣祠奏創養老院
爲政和易人思之不忘

黃度字文叔新昌人進士乾道時爲嘉興令性明敏決
疑獄無凝滯歷官禮部尙書嘗爲秘書郎張淵見其
文比之曾鞏史氏亦稱其才識過人

李時習毘陵人進士淳熙元年爲嘉興令佐郡守張元
成延進士聞人剛撰嘉禾志五卷

李陟字允昇內黃人進士淳熙時爲嘉興令果毅有治

劇才政尙慈愛歷官殿中丞

徐彥明字哲夫餘姚人進士淳熙時爲嘉興令勤于政事時寇盜四起率鄉勇晝夜巡視民得安堵頻歲旱蝗濬河道以通水利民甚賴之

莫子文字武仲吳江人進士寶慶二年爲嘉興令中使王疇迎合當路意峻行括田之令子文不從降宣義郎

陳德元字元善福安人進士爲嘉興縣尉以賢能稱葉恣佐景定時爲嘉興令時賈似道行公田法恣佐抗不奉行遂報罷

潛說友字君高縉雲人咸淳時爲嘉興令惠愛及民屢
爲宰輔賞鑒歷福州副使

易偉字成大咸淳中爲嘉興尉博學工詩文議論古今
具有本末後爲吉水判官人稱兼山先生

張汴咸淳五年爲嘉興縣令時學宮久廢汴偕學正張
夢吉具狀判府請建學于西城舊驛兼置學田四十
六頃後文天祥辟爲幕僚永豐空坑之敗與天祥子
女闔門死難

吳思齊字子善麗水人咸淳中爲嘉興縣丞攝縣事平
反疑獄甚夥廉介自持遇事不爲勢屈不以貧移自

號全歸子

元

潘明之字天力至大間爲嘉興尉與金華許謙友善嘗聘謙主社學課邑中子弟謙亦稱明之德性溫厚得朱呂之心傳

趙良弼字君卿東平人延祐中爲嘉興尉屢著善政

楊森德至元二年爲嘉興縣尹始興學校有功于聖門

陳伯顏字大有睢州人至正時爲嘉興尹值四方多事征調繁劇伯顏勸率巨室而寬假貧弱事無不給民卒不擾解觀爲撰碑記

石光著字仲明海陵人至正時爲嘉興尹清潔有執持
興學勸士嚴輯豪猾細民得所

明

謝天錫字純父吳興人以歸附功授嘉興主簿時驛騎
往來不絕天錫佐縣務存寬恤民得不困又兵燹後
田多荒蕪募有力者墾之爲湯藥饘粥以活繫囚會
有疑獄久不決天錫廉得之人奉爲神明

魏誠河東人洪武初爲嘉興丞時大兵後撫綏盡善興
舉學校邑人稱之

徐本字復初江西人洪武中爲嘉興令政尙嚴明尤勤

於撫字每東作興著勸農文出郊課之擢廣東方伯
張進字公迪金壇人洪武時爲嘉興丞政尙勤慎雅好
文學吏民愛之擢監察御史

蕭福閩縣人儒士洪武時爲嘉興典史蒞事精勤廉介
自守雖位卑務劇而講學讀書不輟後以賢能擢御
史累官温州知府

吳禮德化人監生洪武時由金華令調嘉興以廉能著
終雲南大理同知

蔡楫字汝濟沛縣人舉人洪武時爲嘉興令出滯囚二
百餘人率富民納逋糧四十八萬有奇縣多亡賴楫

置二牌有善惡分書之人皆感悔習俗一變後為浙
江僉事

趙緯字大經洪熙元年以浙江副使謫嘉興典史遇事
剛決案無留事少宰黃宗載以清軍行部至邑中屬
緯清理伍籍緯嚴條約禁絕請託不數月籍成宗載
大異之檄諸縣視為法

傅霖字良佐貴溪人宣德初為嘉興丞催科有法賦完
為諸邑先尤勤于吏事督新縣治數月竣工終保定
知府

張雲字從龍天順時為嘉興令在官六載以清慎聞累

遷大同知府

蒙遜字牧甫龍南人成化時爲嘉興令值官塘傾圯捐俸修築甯賊郭阿謙嘯聚新豐以計擒戮之旣去邑人思慕不置

陳璧字瑞卿高郵人成化時爲嘉興令性抗直不折節于權貴報最擢御史按山東釋太保劉翊冤獄累遷都御史生平動慕古人志在先憂後樂在官時嘗書以自驗

郭資字逢原福建人進士成化時除嘉興令持身廉潔人不敢干以私有兄弟訐訟歷十餘載不能決感資

解勸和好如初擢御史

張鏞字析懷麻城人弘治時爲嘉興令甫入境聞居民
哀號聲詢之乃逋賦不能輸者鏞惻然曰是皆長民
者之不能均役故也力請於上官緩征輸釐正戶籍
田三百畝以上者先役之貧民賴以無困擢戶部郎
何天衢字道亨道州人進士弘治時爲嘉興令縣多豪
猾好好訟時爲民患天衢捕其尤者繫獄餘悉遜不
敢出在官六載治圯族恤災疴修橋梁以便往來積
穀種以防水旱沐其澤者甚衆拜監察御史歷官工

部侍郎

洪範字邦正金溪人進士弘治時爲嘉興令初至若不
事事者人侮之不加箠笞會值編役太守懼不勝任
屬司理代之以語範範曰範意欲靜鎮耳今旣相責
範當爲之隨集諸里老釐剔積弊俾各均徭役胥吏
有以私進者輒置之重法庭中肅然數日竣事上之
郡守守怪其疾召諸里老詢之咸曰自耳目所聞見
審此役不擾而辦者獨此令耳守始獎嘆有大事輒
以委範範爲人廉靜寡欲大類楊繼宗時人爲之語
曰洪令楊守承先啟後擢監察御史
蔣達字文孚進士正德時爲嘉興令明敏有風力召拜

御史值宸濠之變出軍江上以勞致疾卒恤贈光祿卿

蔡經字廷彛侯官人進士正德時爲嘉興令甚英察宿胥巨猾歛迹不敢作奸密訪貧富僉審糧役去取悉愜人心至供辦徭役及徵輸緩急悉親自籌畫人莫敢欺歲饑賑恤全活無算行取給事中累官兵部尙書謚襄愍

黃訓字學古歙縣人進士嘉靖時爲嘉興令爲政溫和
不事矯刻陞兵部主事著有皇明經紀錄黃潭文集
讀書一得諸書

黃獻可字堯俞莆田人進士嘉靖時除嘉興令時儒學僻處西城風氣不萃人文寥落獻可擇治東興聖寺址力請當事徙置之自此科第蔚起甲於他邑

盧梗字水伯崑山人進士嘉靖時爲嘉興令加意黌序厚助單寒延宋大武顧冀兩孝廉爲生儒師日講月課多所造就捐俸置田二百七十畝給贍孤寡嘗患征徭不均建議按畝定役未果行遷去後太守趙瀛踵成之

張師載字以道潛江人進士嘉靖時爲嘉興令值海寇侵掠人情洶洶思遁師載曉以去止禍福由是安堵

會編里甲貧富得均徭役無偏累歷官都御史

張烈文字允煥巢縣人嘉靖時爲嘉興令立政以撫恤
爲先當海寇方熾兵旅繁興流離載道烈文能節煩
苛招徠安集境內帖然擢戶部郎輯有文海流奇等
編

郭東字仁府高平人進士嘉靖時爲嘉興令性溫厚聽
訟每爲和解不輕鞭朴催徵尙寬恕亦無逋負以憂
去民不忍舍

何源字仲深廣昌人進士嘉靖時爲嘉興令時有郭明
昭殺人有司誤坐郭杰已十年矣源訪得之因釋杰

取明罪狀值水災請緩征銀六千兩米三千餘石通
查五年銀米之餘者補之三載擢御史去官舍蕭然
累遷刑部侍郎

龔勉字子勤無錫人進士隆慶時爲嘉興令宅心仁恕
蒞政寬平以憂去後爲嘉興守尤著善政晉方伯

羅星字拱北大和人進士隆慶時爲嘉興令覈圖田省
坊役申保甲諸所興革盡便于民尤慎刑獄囹圄屢
空村落間經年無胥吏迹考最擢大理評事

鄒東魯兗州人貢士萬曆時爲縣丞職司國賦歲有常
饋悉却之又捐俸以獎給公者鬻衣以供餽粥始終

不改其操陞魯府紀善貧不能行邑人捐金助之

張問達字德孚內江人進士萬曆時爲嘉興令值編審
釐革故弊民困以甦在任六載抑豪強興學校清義
倉事皆有法考最擢御史

顧雲程字務遠常熟人進士萬曆年爲嘉興令歲稔穀
賤不售舊例徵賦以十月始雲程緩至歲盡部使者
怪之正月朔雲程屬耆老詢曰穀價視冬時幾何曰
石益一鑲矣遂趣完賦甫五日爭輸四萬有奇府部
使者大驚值丈田宣仁流化務在恤民擢御史累官

叅政

鄭振先字太初武進人進士萬曆間嘉興令御下以嚴
胥徒市魁咸惴惴守法經理賦稅酌其宜者條上四
款無不曲中事竅以紓民力建常平二倉備賑夏旱
發滯穀萬斛民藉以生武塘爲虞芮之爭振先毅然
以去就爭之事乃寢造士衡文百不爽一設仁文書
院廣置學田始終以興起斯文爲任秩滿擢水部郎
士民建祠尸祝

湯齊字鶴思武進人進士天啟壬戌除嘉興令修築城
垣置水陸諸柵以備不虞撰邑乘三十卷

羅炯字然明歙縣人進士崇禎乙亥除嘉興令興學校

國朝

修邑志具有寔政尤嚴于取予民有一杯羅芥之謠
林達莆田人舉人康熙癸卯除嘉興令禮賢好士斯文
賴以振興徵輸釐革夙弊士民均愛戴之

樊咸脩陝西人進士康熙戊辰除嘉興令寬猛得宜民
情帖服邑有豪惡剪除不遺遇窮民則加意撫恤之
以才能擢給事中

秀水縣

明

趙忠盧龍人宣德時御史出爲秀水令時縣初析忠敏

于才百務具舉

喻義餘千人進士宣德時爲秀水令廉平不苛吏民愛敬

黃憲萍鄉人正統時爲秀水令撫字有方決獄如神期年民困頓蘇會處州巨寇葉宗留爲亂幕府廉憲才檄督民兵陣亡邑人痛之

李燧字應旦閩人初爲給事中成化中以言事出知秀水下車時值秋旱燧力請緩征是歲歉甚上官追民逋賦民不能償燧具狀于督儲言民困難以奉公請以已死易之督儲亦嘆服數以善言慰之擢監察御

史羅輅有傳

郭琪字元圭閩縣人進士成化時爲秀水令練達吏事
洞悉民隱暮夜有投金者亟捕之不獲暴其金於市
嗣是人不敢干以私

孫樂字夔卿福山人進士正德時令秀水卓犖有幹才
豪強猾吏咸消滅無遺召拜御史

蘇恩字從仁華亭人進士正德時爲秀水令年甚少精
吏事操履勤慎抑強扶弱召拜御史

許瑛當塗人正德時爲秀水主簿潔已愛民士大夫爲
冰壺秋月詩美之

劉夢陽臨清人進士正德年間除秀水令廉潔不擾民
部書之暇卽披典籍以歌詠自適陞戶部郎

趙章合州人進士嘉靖四年除秀水令性剛敏遇豪右
必執法值羸弱則委曲訊之勿輕出入興學造士士
論歸之

洪遇歷城人進士嘉靖時除秀水令值編審均平賦役
先是富民恒多巧避析戶寄產遇令具狀歸併有不
率者繩以法由是貧困得甦歲大饑不待上聞亟發
廩賑之邑人歌咏其德

王應顯漳浦人進士嘉靖時除秀水令值倭寇侵境佐

郡守劉慤合謀守禦撫循士卒士女從田間來避寇者萬計監司令由女墻縋入母啟城門應顯泣曰民衆縋寡設賊猝至盡捐鋒鏑矣竟矯令啟門入城南畢倭卽薄城下無一遇害者累官大常卿

陳松青州人進士嘉靖初拜御史以忤嚴嵩左遷秀水令刻意爲民鋤強扶弱邑有柄臣子弟驕橫不靖松裁抑之陞平涼同知

張道字以中湖口人進士隆慶四年爲秀水令政務忠厚征輸賦役時以絮語勸慰不妄施敲朴斷獄則開導情理人盡心折歷數載無撓法者召拜御史

田禮門字中夫杞縣人進士隆慶年除秀水令戢吏胥
清賦役多所興廢尤好汲引士類值造冊有議儒民
並役者禮門以人各有等爾民子孫豈無登仕者乎
優士於今正以貽恩于爾民之後此不均之均也衆
皆悅服陞兵部郎



孫應溪郭興人監生萬曆年授秀水主簿廉潔自好禁
從者妄索民財時邑中多盜應溪率民兵巡禦邑賴
以安尤善決疑獄無有枉滯人咸願就理官至通判
朱來遠字文臣廬江人進士萬曆年爲秀水令善察民
隱人莫能欺更定糧役一人獨前爭來遠笑曰某某

戶下有腴田若干又有某所廣廈皆爾物也舍爾誰
任其人惶恐謝服邑號神明性和厚讞獄必委曲勸
之尤加意黷序名士鵲起治行稱最累官太常少卿
陳九德字懋夫鎮海人進士萬曆年爲秀水令加意學
校進諸生講論不倦聽訟恒以情理相參上下敬服
鄰邑有疑獄上官每委理之居官樸茂淡泊韋布蕭
然絳袍不具以勞瘁卒于官不能殮邑人賻襯以歸
郭如川字元至富順人進士萬曆年除秀水令歲饑賑
恤活者萬計清操自勵胥吏斂跡擢禮部郎

羅心樸營山人進士崇禎間令秀水清慎敏達勤于課

士遷湖州司馬謝政後往來禾中士林翕然宗之

李向中字立齋鍾祥人進士崇禎年爲秀水令潔已愛
民執法不撓先是兌漕旗弁于加耗外多橫索向中
力引祖制禁革之運弁蔣國紀率旗丁毆向中幾斃
郡人奔救獲免後事聞旗弁正法漕制藉以肅清又
值編審倡均里均田之議他邑悉遵行之時人有十
政宜民頌

國朝

王廷機字定一岐山人進士順治庚子爲秀水令節儉

平恕遇事明敏蒞任九載吏民無不心折擢南通州

守

丁仁定新建人貢士順治甲午授秀水丞收兌漕白二糧奉公守法旗丁橫索雜耗仁定力持不與運弁加以橫逆含憤自縊邑人爲之訟寃事聞正運弁法仁定祀名宦

李見龍字德中蒙陰人進士康熙戊申除秀水令居官廉慎布衣蔬食刻苦自勵賦役驛遞悉整理有條不累于民行取給事中

蔡祖煥湖廣孝廉康熙戊寅令秀水廉介有幹才時供應大差人夫馬匹絕不科派及民官舫往來議毀民

居以通緯路祖煥力持不可曰吾寧死勿累民也後卒于官貧不能還邑人輸賻歸喪仍伐石紀績

嘉善縣

明

鄭時字習之沂州人國子生宣德初知玉田縣改嘉善

性坦易不尚威嚴時縣治肇建百事未舉與僚佐夙

夜經營勞民動衆而下無怨言九載乞休

聶如斌豐城人宣德末任嘉善典史秉清操有治才令

民多築堤防為水旱備潛乘小舸察民勤惰以勸懲

之又以北鄉窪下督民高其圩塍自是有收嘗遭大

水憲臣行縣諱言災斌自投田間水深沒項憲臣慚
愧得免科

楊懋永寧人宣德中任魏塘巡檢有中使夜過舟重阻
淺不能行欲括居民挽舟驅迫呼噪于道懋留其舟
將檢閱其行裝中使恐夜易小舟去鹽徒劫掠懋勒
兵巡徼擒其渠魁盜不敢犯境臺府上其功加主簿
俸是時初分縣治委懋經營不逾年而公寓學舍皆
告成焉

李遜字時敏南豐人進士正統初知嘉善縣機警有吏
才下不能欺然性寬易民有犯小過笞之未嘗褫衣

秩滿將行民詣上官乞留事聞陞俸復任三載擢知廉州府

汪貴字良貴歙縣人進士成化中知嘉善縣廉潔狷介愛民如子歲汰無名之費數十萬錢倉庾學校多其構葺與諸生講授不輟寒暑然性抗直短於應對不逢當道不便豪猾以是坐調行囊蕭然擁留數千人時少宰張悅素知貴名白其賢冢宰王恕疏令復任潘瑜龍溪人國子生弘治中任嘉善丞剛果不惕於勢釐剔百弊奸豪屏跡陞知長安

劉子厲字克溫安福人進士弘治中任嘉善縣廉敏精

明斷獄引律皆出手決胥吏抱成案而已改雜尚嚴

明斷獄引律皆出手決胥吏抱成案而已政雖尙嚴
中實慈惠三年擢御史

藍郁字國馨鹽城人進士弘治中知嘉善縣操履清白
愛民好士尤以厚風俗祛民患爲急聽訟不任刑威
每以仁義感動之民皆悅服卒于官

區越新會人進士正德元年知嘉善縣少遊白沙之門
性慈祥政淳簡得親民體平居無疾言遽色擢戶部

主事

李錫字天祐登豐人國子生正德三年授嘉善簿性侃
直有大節八年江西姚源盜起錫率民兵往禦斬賊

首三顆力屈被擒死難事聞贈本縣知縣廕子入監
後令張煥建尙節祠祀之

王德明字宗周清苑人進士正德中知嘉善縣持法平
允吏不能欺兵農穀粟咸有成畫當道舉行有不便
民者輒申請停罷尤加意學校禮貌諸生遷兵部主
事

倪璣字公在咸寧人進士歷官給事中正德甲戌謫丞
嘉善痛抑豪猾務祛宿弊修邑志毀淫祠嚴保甲置
義塚及社學書院三載擢任丘令

郭田字汝耕長安人進士知嘉善縣性簡直政令畫一

堅持冰蘖操人有饋遺輒峻拒嘗指白鋸謂左右曰
此阿堵物能亡身敗家爾等母爲所汚時有生員朱
愚上書陳其過卽榜之縣門引以自罪歷陞布政司
叅議

何天啟字義占貴溪人進士嘉靖中由諫垣謫丞遷令
嘉善前此訟多停滯啟下車三日剖決無留勾攝不
遣吏卒民無騷擾值歲潦力請蠲稅逾年陞同知

于業字建公金壇人進士嘉靖中知嘉善縣蒞事精敏
卽猾吏不能爲奸遇歲稔曲爲蠲貸邑無饑民修邑
志置學田旌節孝尤勤考課以振後學三載擢御史

陳道基字以忠晉江人進士嘉靖中知嘉善縣性簡易
御下以寬三年未嘗入一重辟至遇豪猾重懲之不
少貸故事里長供役繁簡不均道基通融計派民以
爲便民有逋負鬻妻孥以償者輒爲代補又擇士之
有志者聯文會躬爲校閱尋擢御史終刑部尙書

賴恩汀州人官百戶嘉靖中倭變恩奉檄禦賊賊突至
枵腹出戰斬獲甚衆後以孤軍血戰爲伏鏡所中墮
水死

浙

黃樞字翊卿南昌人進士嘉靖中知嘉善縣事外嚴內
明發奸摘伏法紀凜然邑大滌永盡漂詣當道免冠

頓首請帑金以償稅尤留意里甲役法稱平猾書歛
手陞工部主事遷湖州知府

周宗字濟甫安福人進士嘉靖中知嘉善縣年少英敏
剖決如流尤屬意學校時進諸生講藝給以餼廩躬
爲品題吏畏民懷期年更任華亭俱以賢稱終吏部
侍郎

許鎡字國器石屏人進士嘉靖中知嘉善縣務崇節省
樹蔬自給訪民間疾苦有耆老董申悉江南利弊上
均徭均平法數事鎡奇之請于巡按龐尙鵬奏行其
議立條鞭法著爲令甲擢御史終僉事

史朝鉉字貫之晉江人進士隆慶中知嘉善縣吏治明
察吏胥屏息性方介士大夫莫敢干以私

金和字元節長洲人進士萬曆中知嘉善縣性嚴峻持
政縝密吏莫敢欺監司下令築圩和擇鄉中巨姓有
行者董其事民不擾而功成至今賴之

胡葵簡會昌人萬曆中由選貢主嘉善簿恂恂儒雅清
操嚼然常俸外秋毫無染擢令長樂官終僉事

章士雅吳縣人進士萬曆中知嘉善縣雅意作人課士
衡文藻鑒不爽實心惠政民有甘棠之咏尋擢主事
謝應祥安福人進士萬曆中知嘉善縣廉毅有威先是

謝應祥安福人進士萬曆中知嘉善縣廉毅有威先是
邑賦役無定貧富不均應祥乃立照田起役法豪右
不能漏稅細民不至累賠民甚德之歷官都御史

康元穗字味澹吉水人進士天啟中知嘉善縣學術端
醇風期淵穆清漕戢盜時稱能吏陞南曹郎

林先春字狷菴侯官人進士天啟中知嘉善縣清介廉
直懲豪猾禁淫祠士民懷之

蔡鵬霄晉江人進士崇禎中知嘉善縣平賦役修學校
累官太僕少卿

李陳玉字謙菴吉水人進士崇禎中知嘉善縣才識明
敏見義必爲正漕兌之法抑軍弁之橫建書院築湖

堤其他善政尤多有退思堂集行世擢御史

國朝

劉肅之字銘中河南安陽人壬午舉人順治二年知嘉善縣撫字百姓以慈惠稱

莫大勲字魯巖江南宜興人順治辛丑進士涖任初李縣丞婪橫一以嚴正待之懾不敢動御下不假顏色胥吏皆股慄至撫民尤平易寬和己酉分校棘闈得士六人俱名宿康熙十年大造清丈平役均賦實行官收官兌法上官美之頒行通省以爲例在任七載清介之守始終不易行取北上貧不能治裝策蹇而

行擢給事中

李之藻山東武定州人大學士之芳弟之芳總制閩時
會耿藩謀逆之藻軍前効力有能名蒞邑任事嚴明
耿介健訟者俱歛跡旋丁內艱去未竟其用

海鹽縣

漢

蘇章字孺文平陵人舉賢良方正對策高第安帝時爲

武原令歲饑開倉賑濟全活三百餘戶遷冀州刺史

武原非浙江縣名查漢書及通志蘇章傳俱無
海鹽爲令之說鹽邑有武原鄉故袁志誤入

白沃史君順帝永建二年令也初縣治在武原鄉陷爲

當湖君乘馬走指得湖東北一角遂不沒民建廟祀之

吳

步騭字子山淮陰人建安時遊吳中與諸葛瑾嚴峻齊名孫權時為討虜將軍召掌書記除海鹽長性寬雅博研道藝訓齊風俗後權稱帝拜騭為丞相

葛公丹陽人有經國才仕吳歷宰海鹽及臨安山陰後封吳壽縣侯即稚川大父也

晉

鮑陋隆安中任海鹽令會稽賊孫恩作亂劉裕築海鹽

故治禦之恩走滬瀆裕追恩陋遣子嗣之為裕前鋒

鮑陋隆安中任海鹽令會稽賊孫恩作亂劉裕築海鹽

故治禦之恩走滬瀆裕追恩陋遣子嗣之為裕前鋒
以吳人不習戰命居後嗣之竟前戰死陋終益州刺

史

宋

王孚海鹽令泰始初天下叛亂會稽守孔顛及吳郡守
顧琛皆據郡孚練習職守以兵從巴陵王休若討琛
欲泛海走會稽孚邀擊之不得渡官至司徒記室叅

風軍

齊

孔僉會稽人少師事何胤通五經尤明三禮孝經論語

嘉興府志

卷之五十一 宦績

七

生徒數百人三為五經博士遷尚書祠部郎出為海

鹽令

周顒字彥倫汝南人隱居鍾山應詔出為海鹽令孔稚

珪著北山移文嘲之終國子博士

梁

蕭特字世達齊高帝曾孫子雲之子早知名善草隸梁

高祖嘗令作書及奏謂子雲曰子敬之書不及逸少

適見特迹遂逼于卿官太子舍人出為海鹽令簡文

帝誌其墓

劉霽字士烜平原人天監中官主客侍郎海鹽令以孝

劉霽字士燠平原人天監中官主客侍郎海鹽令以孝

友化人所學尤博著釋俗語八卷文集十卷

隋

祖撫仕海鹽令史稱其廉有文集三十卷

陳

徐份東海鄉人侍中徐陵子九歲為夢賦陵大奇之為

海鹽令有政蹟入為太子洗馬性至孝陵嘗疾篤份

焚香泣涕持誦孝經凡三日陵病愈人謂份孝感所

致

唐

劉長卿字文房河間人至德二年攝海鹽令終隨州刺

史史稱其剛而不虐有詩集十卷元好問謂當時專門家不能道其隻字

姚南仲華州人乾道初擢制科授太子校書右補闕大曆中進讜言帝嘉之進五品階坐宰相常袞黨出爲海鹽令觀察使韓滉薦爲推官歷鄭滑節度使入朝授尚書右僕射卒贈太子太保謚曰貞

李諤字士恢長慶中爲海鹽令察俗利病施措宜民開古涇三百剗長豐閘二節宣水利以資灌溉民至今利之

宋

黃邠中失其名宋初賢令民立廟于州前祀之何執中

黃郎中失其名宋初賢令民立廟于州前祀之何執中
有重修碑記見樂郊私語

魯宗道字貫之亳州人進士初爲定遠尉咸平時改海
鹽令縣有藍田浦自海口至城下凡十八里歲久堙
塞宗道疏治之人號魯公浦後遷歙州判官民築亭
于浦上顏曰魯浦亭宗道爲人剛直遇事敢言嘗上
疏言守宰去民甚近今銓除太輕故黷貨害政者多
宜令大臣延詢守佐初除者觀其施爲吏部擇縣令
亦如之庶得良守宰宣助教化上然其言著爲令仁
宗時累擢諫議大夫禮部侍郎叅知政事卒贈兵部

尚書謚肅簡

李惟幾字幾道河內人嘉祐中知海鹽歲饑疏請官錢貸民糴穀濬溝洫又置牐于橫塘節一邑之水名曰常豐牐築捺鄉底堰三十餘所旱潦有備歲賴以稔在官四載謳歌遍道陳舜俞爲撰遺愛記

范世京字延祖吳人文正公從孫熙寧元年以著作郎出知縣事教民孝友嫺睦治行稱最踰年應召入京時方議行新法世京所論不合詔還舊治民歡呼相迎咸慶召父重來未幾以疾乞休詔進秘書丞

何執中字伯通龍泉人進士元祐二年知海鹽政識先

務興學校築捍海隄置瀦水閘邑人紀其十異五年
遷太學博士父老涕泣留之先是徽宗在端邸選執
中爲侍講後卽位以舊僚峻用不數年遂官太宰累
封清河郡公卒謚正獻史稱其作令時遠過晚節云
喬大臨政和三年爲海鹽令時平江朱勔以花石恣橫
浙西發蒼頭抵鹽入僧舍封識花石少拂意卽加箠
楚僧訴縣大臨逮蒼頭杖之勔怒誣劾大臨坐免高
郵秦觀記其事載高峰集

朱良字良伯吳人仕海鹽尉建炎四年金兵陷秀州入
鹽境良曰此忠臣義士死國時也披甲執戈集所部

兵奮擊之殺金兵數百卒衆寡不敵死于戰事聞贈
銀青官其子思爲通判歷漢陽守

丁安義紹興時爲海鹽丞值歲早已蠲常賦而猶遵和
糴之令安義謂邑宰曰歲饑常稅且不足不應更行
和糴檄屢至俱停閣不發邑賴以安

蔣行簡字仲可永嘉人進士歷潮州市舶監紹興中知
海鹽有聲內召獻樞言五十篇累官處州守聞趙汝
愚謫死感疾卒

徐光實字德充晉江人紹興十三年爲海鹽令好獎善
類聞民行孝友卽加褒異性慈愛歲旦縱囚歸省如

類聞民行孝友卽加褒異性慈愛歲旦縱囚歸省如期皆至無一亡去者

劉銓字全之樂清人進士隆興二年知海鹽值水災請停秋苗法勸富人助賑全活甚衆學舍久廢以圭田租二百斛倡修之王龜齡誌墓稱其政務循良惜在官不久云

李大卞乾道四年爲海鹽令修常豐二閘又置牐堰以通往來民稱便

李直養字無害廣陵人初爲海鹽丞紹定云平薦知縣事濬魯公浦築常豐閘民得水利且無海溢又脩大成殿置書籍祭服兼設小學古蹟亭館無不葺繕先

是鹽未有志直養創成之至今藉以考核焉

陳仲微字志廣高安人進士嘉泰中爲海鹽丞鄰邑有疑獄十年不決郡守命仲微按之一訊卽服累官殿

中侍御史

書

朱寢炎字叔明朱良曾孫寶祐初爲海鹽尉持論廉恕決獄平允郡帥屢以大事屬之歷真州司法叅軍

丘耒字少潛常熟人紹定元年爲海鹽令新學宮築海隄二十里民苦風逋檢縣藏得羨餘代輸之郡有疑獄悉爲平反擢朝奉大夫

元

顧泳卞人至元中知海鹽州築塘禦潮名捍海塘卒于
官貧不能還子孫遂家焉

趙孟貫字子唯黃巖人泰定時爲海鹽知州桐江姚桐
壽稱其治海有惠政民久而思之

賈禧字吉甫宛丘人泰定時爲海鹽知州崇庠校尊道
學以正信肅其羣下人稱頌之

葉彥中字大中松陽人至正時知州才敏有風操累官
御史所至皆有休績

范廉卿灤城人至正丁酉以蔭補蘆瀝巡檢時有亡命
飛棹海上私販行劫吏兵莫敢撓廉卿儒者射發無

不中亡命始懼境內帖然

明

龐暉博興人進士洪武末知海鹽祛刷吏弊深得民心

永樂元年遷工部郎中

書

畢瑗永樂五年任海鹽築田圍一千六百四十民利之

吳復閩縣人永樂時以知印除海鹽簿聲績大著累官

工部侍郎

上官廉南豐人舉人永樂年除知海鹽公平正直和易
近民卒于官民有執紼而號泣

陳諤字克忠番禺人舉人永樂初官給事奏事侃直上

呼爲大聲秀才歷陞順天府尹以忤親王謫知海鹽
縣著有政績後遷長史

王端字宗正河間人監生正統年爲海鹽令勤恕廉平
吏民心折以入覲卒于道邑人哀之

莫震字廷威吳江人進士景泰年爲海鹽令吏民敬畏
不敢以私進終延平同知

楊克敬字宗禮真定人監生成化年爲海鹽令端重耿
介懲豪右以法後爲奸者所誣民聲其冤卒不白

李雲字載章分宜人進士成化年除海鹽令濬澗川水
道葺繕邑城稱能吏

譚秀字聳秀龍泉人舉人成化年知海鹽縣先是海塘
修築役七邑民夫又其形危聳屢致傾圮秀始建白
微夫銀僱役改築法植椿疊石稍殺其外以禦潮水
遂無淪沒之患秀在任九載平徭役修學校剏橋梁
續邑志諸廢具舉秩滿遷去邑人刻石以紀其功

王璽字仲信廬陵人進士弘治年除海鹽令新縣治修
廟學築塘捍海砥方石縱橫相制人稱爲樣塘吳昂
有築塘頌擢德慶知州

李頎字文嘉考城人舉人弘治戊午知海鹽縣篤厚醇
謹士大夫號爲長者

稽綱字汝堅安東人舉人正德時爲海鹽令有治劇才
案無留牘獄無繫囚吏民懷服擢湖州守

辛九齡字希童蔚州人舉人正德時爲海鹽令剛方自
負不私一錢

朱實昌字士光高安人進士正德時海鹽令時官河壩
塞捐俸疏濬無水涸患禁革火耗修築海塘凡因革
悉便于民在任三載政簡刑清召拜御史實昌長子
吟咏其試士詩有神駿存奇骨干將有異光之句人
至今傳誦

張濂字景周蘄州人進士正德時知海鹽縣蒞政三載

民歌之曰前堂無吏人後堂無優人堂下無犯人擢
監察御史

呂湯民河東人監生正德中爲海鹽丞事母至孝爲政
清平卒于官歸無行貲

劉桂字子芳黃岡人進士嘉靖年任海鹽令洞察民隱
性尤忠厚刑不妄施工古文校訂郡中先達遺集人
稱學道君子陞合州知州

張翹字鵠舉泰興人進士初爲御史三諫武宗南巡廷
杖罷官嘉靖四年起補海鹽知縣疏河救災減徭役
去民疾苦累官少司農民懷其德立解帶亭

夏浚字惟明玉山人進士嘉靖年爲海鹽令均徭役緩
征輸清蹉竈諸稅邑人咸沐其惠加意學校宮墻中
絃誦不輟正名宦鄉賢祀典汰其濫入者續修邑志
採訪悉出至公人服其簡嚴

董珩涇縣人進士嘉靖年除海鹽令時海塘傾圯捐俸
修築又葺澉城上官甚獎勵之

張載揚字子春浮梁人舉人嘉靖年任海鹽令時多流
寇令鄉鎮植柵又選民之壯者晝夜巡禦邑遂無患
鄭茂字士元莆田人進士嘉靖年除海鹽令值倭亂茂
築子城建敵臺集鄉勇晝夜守禦倭凡再薄邑城茂

死守以石瓦攻之得不入時寇南穴石墩北穴柘林
鹽介其中村落焚劫幾空茂弔死扶傷日不暇給而
軍糧馬諸費咸備無失後以秦駐塢之捷賜白金
文綺擢給事中累官觀察使著有靖海紀略徐行健
立傳紀之



王宗載字時厚京山人進士嘉靖年除海鹽令省刑寬
賦築海塘通水利民懷其德吏畏其威值大造上官
以他邑編審委之宗載咨訪利弊積習爲之一變累
官左都御史坐事謫戍邑人聞皆流涕

李薦佳字伯受穎川人進士嘉靖年除海鹽令器度寬

弘而政尙簡易擢戶部郎

鄭昊字祖欽順德人進士隆慶年授海鹽令修築海塘以風勵民俗陞戶部郎

范梅字元春豐城人進士隆慶年除海鹽令年甫十七而鋤暴釋冤老吏無不懾服嘗修甬里隄至今無水患以憂去遂不復出

饒廷錫字文命進賢人進士萬曆年知海鹽縣興役築塘以勞瘁卒于官祠祀海上

蔡逢時字應期寧國人進士萬曆年知海鹽縣民苦賦役不均逢時清丈均田立甲一時役法稱平又革坊

廂丁田役立門攤僱夫法復剏羅心堂朱學顏撰立
碑記謂官衙蒔園菜以自供諸郎衣敝絮夫人躬搯
辟纒杼軸之聲聞于外其淡泊類如此

黃之俊字君顓清江人進士萬曆年爲海鹽令溫雅循
謹以學問爲吏治尤好恤窮民後爲仇家誣罷民爲
訟寃

謝吉卿字修之晉江人進士萬曆年授海鹽令時大饑
多方賑濟又海溢修築石塘有殊功

王臨亨字止元崑山人進士萬曆年由西安改知海鹽
斷事精敏輕重立辨有豪猾聚黨肆橫捕殲之縣城

久圯加築高廣累官杭州知府

李當泰字元祉本姓俞氏泗州人進士萬曆年除海鹽令值編役限士紳免額謝鄰邑詭寄所征賦稅悉以原封發解耗羨無染人服其廉歷官司空郎

杜士全字道執上海人進士萬曆年授海鹽令歷官太常卿坦白不邀名譽嘗自言爲宰時于前官無一事可更張於上官無一事條陳獨服膺平易近民四字以爲箴警胡震亨稱其民牧中以品勝者

濮陽春字生府宣城人進士萬曆年授海鹽令性真率不立崖岸人咸樂其寬和擢刑部主事

喬拱璧字穀侯上海人進士萬曆年除海鹽令時衛卒
餉多冒濫嚴核其弊築捍海塘增漕糧倉廩吏廨及
甃街葺堰民多賴之擢兵部郎

何杲字白夫懷寧人進士萬曆四十一年除海鹽令始
至政尙嚴明後濟以寬故民畏而見德諸生張某貧
不能娶爲娶妻幼童張煥割股救父獎異之先賢張
靖之無後葺其綽楔擢御史

樊維城字亢宗黃岡人進士萬曆年授海鹽令平田賦
省徭役纂輯邑志諸廢畢舉徵輸贈耗悉却不取又
爲孝子沈壽康立祠葺黃門張寧侍郎葉春墓表微

闡隱人仰高風

國朝

毛一駿字槐厓竟陵人舉人順治年任海鹽令性仁厚
愛民好士尤深經學在官時著作甚富修築城垣監
築海塘更有殊功

平湖縣

明

徐韶豐城人監生景泰間知縣事以罷軟被劾民保韶
廉勤有爲都御史軒輓以聞復之

李翥東光人監生成化六年令平湖奏本縣周家涇併

獨山海塘衝塌鹹水浸入民田乞將在官贖罪銀米計工修築工部覆奏從之詳成化實錄

郝文傑字士英陽曲人舉人成化中知縣旌善勸能令行禁止遷知高郵州

書

梅清字本潔大足人成化中以例貢任縣丞衣麤食糲始終不移其操他邑疑獄每奉委按驗修築海塘有功常樂近文士不廢詠歌祀名宦

熊卓字志選豐城人弘治丙辰進士爲邑令潔已自愛剛毅明敏貴勢無敢撓法擢御史祀名宦

郭天錫登州人舉人正德末知縣事清謹慈惠興利除

害不阿上官秩滿遷知徐州

蔡鳳字九苞南昌人吏員爲邑丞有節操民誦其德秩

滿乞休

周仕字用賓廬陵人嘉靖壬辰進士介然有守人稱廉
吏交上官不避強禦尤加意學校歷官工部主事

張煌字用韜淮安人由進士令平邑嚴而不刻寬而不
弛吏戢民安庶務畢舉陞工部主事

黎循典字成五華容人舉人嘉靖間邑令興學校省刑
罰均徭稅催科不擾和易近民擢御史

曾曙字陽谷桂林人舉人嘉靖間邑令豈弟慈祥清介

嘉興府志 卷之三
三十四
絕俗時五月不雨秋大饑曙力請賑之開廠設粥以
療饑民有逋稅者咸使歸業民免轉徙竟以緩徵罷
去泣送者數千人

李僑字仙臺長清人嘉靖甲辰進士先是田賦不均輕
重失實僑始均之悉釐其弊

楊挺高字叔謙金鄉人嘉靖丁未進士性廉潔布袍葛
履種蔬自給餘饋士大夫曰不可一日不知此味

胡松績溪人以府司理攝令時議築城松詣幕府曰請
縛松置軍禦倭民受松恩情必相急從之不閱月成
喬登字子高延津人嘉靖中以吏員任典史時倭寇突

喬登字子高延津人嘉靖中以吏員任典史時倭寇突
至登奉檄禦之奮身力戰歿於陣崇祀報功祠

顧廷對字子俞泰州人嘉靖己未進士令平湖廉明剛
介辨疑獄洞得其情吏胥莫敢為奸創條鞭均徭法
上官弗許陳利害十餘條始得如議令下民若更生
逾年龐尙鵬按浙以其法行各郡邑在在稱便擢監
察御史

丁應賓龍溪人進士嘉靖乙丑知縣事恤民養士前令
顧廷對創條鞭法行之他邑或稍更張應賓獨遵約
束民以為便

劉存義字質甫襄陽人嘉靖癸丑進士令平湖時海寇

嘉興府志 卷之十三
三
充斥議城守存義晝夜鳩工築墀墀成而倭至悉力
仰攻存義擐甲立矢石下倭跳詈激戰存義手弓射
之應弦而倒遂解圍去總督胡宗憲率師數萬屯城
中土漢交雜供費億計存義悉心調護卒用間殲寇
城賴以全民懷其德立報功祠祀之

李實字若虛瀘州人隆慶辛未進士萬曆初令平湖爲
政持大體不尙操切而有神明之譽乙亥夏海溢害
稼周視賑恤全活數千人又洞燭賦役之弊僉徭煩
簡各以力任民便之立祠祀焉
劉士瑗字允玉安福人萬曆丁丑進士令平湖立均田

法創設歸單以杜飛詭那移之弊捐俸修學宮時有
議通金山渠瑗以去就爭之乃寢陞刑部主事

江環字縉雲漳浦人萬曆丙戌進士爲令時水旱頻仍
道殣相望環散廩平糶又力請當事緩徵民困以蘇
王義民字若惺江陰人萬曆辛丑進士知縣事摘發如
神而每以寬大出之僉役征糧曲盡其法以竹籤註
姓名糧額遞催完賦猾吏無所容奸民頌神君

蕭鳴甲字爾先漢陽人萬曆甲辰進士令平湖適霽雨
浹旬傷邑預策賑濟中人之產無寧宇鳴甲獨下令
曰賑在官不煩民也一邑安堵又善形家言葺美珠

樓攝當湖九龍之勝自是湖之科名甲于他邑秩滿
遷戶部去

朱欽相字如容臨川人萬曆庚戌進士令平邑勵精勤
政自處泊然時值編審剔釐飛灑虛糧花分詭寄之
弊設官圖立頑甲卻公費永著爲例先是修城之費
舊役里甲吏緣爲奸欽相請派入條鞭併革櫃收總
區之役所興除皆務便民初欽相父邦喜爲郡司馬
兩署平湖篆有善政欽相繼之邑人爲建世德祠後
擢吏科給事中

陳熙昌字景庵南海人萬曆丙辰進士令平湖至誠愷

悌在任六載未嘗妄撻一人或干法紀輒霽顏諭之
捐羨金貸贖鍰寬徭賦減貼役編審最稱弊藪昌先
清官戶寔田照例優免以溢額者充役不及額而取
寄庄以漁利者盡數還民役田遂溢四萬二千有奇
歲歉穀貴饑民聚劫昌懲渠魁免株累平糶賑恤境
內帖然擢給事中

羅尙忠字孝可青陽人萬曆癸丑進士令平湖治尙清
簡執法不撓捐羨緡斥陋規置義塚及義田留心經
術講課不倦士民翕然稱之擢戶科給事中

顧國寶字元善南通州人天啟壬戌進士知縣事剛介

有法酌定漕兌之制力裁加耗軍民皆以為便有奸商請于鹽使者議設批驗所于邑之西關外力持不可事遂寢三年考績調繁嘉興秩滿擢給事中

吳春枝字元萼宜興人崇禎丁丑進士令平湖才敏而機警徵輸有法立經催逋賦者鱗次赴比不敲朴而輸將恐後尤加意于漕政奸弁不敢撓抗漕憲刊石永為規則歲饑謹加意賑恤全活無算署海鹽嘉善篆俱有惠政

陶嘉祉武進人崇禎甲戌進士知縣事一月卒有異政民思之立陶公墮淚碑

國朝

朱之翰字鶴門上元人順治丁亥進士任平令潔已愛
民臨倉供應概行罷免事無大小必躬親案無留牘
尤加意鑿拔士子秩滿去任行李蕭然歷陞河南提
學

呂猶龍號雨村奉天人貢士康熙三十三年爲平湖令
值饑饉後一意撫綏及夏旱步禱務虔時出疆勸農
詢民疾苦給酒米以慰勞且禁絕請托遏抑強暴尅
猾不逞者相率屏跡先是徵解南漕有貼解浮面諸
耗猶龍悉裁去之他如創橋梁緩催科葺城垣一切

興革百姓盡蒙其福在任四載以憂去邑人樹坊通衢顏曰召伯所茨後為運使道經平邑父老遮道相迎慶召父重來今累擢福建巡撫其事功固未可量也

王國英奉天人為令以撫字為主不事催科清操自矢在任五年終始如一去官一邑如失慈母

石門縣

唐

吳公約餘杭人乾符間授義和鎮遏使黃巢之亂偕董昌率兵禦于西郊後其子重裕襲拜西佳鎮遏使兼

義和鎮事有殊勲羅隱撰碑

宋

左惟溫字正一元豐初授崇德縣尉捕擊大盜有功擢
漣水軍錄事

吳伯舉括蒼人元豐八年爲崇德縣令先是郡邑廟學
皆廢慶曆中始議州縣立學伯舉經始爲諸邑先延
明經之士訓誨學者四方聞之來就教者甚衆仕至
通顯邑人祠祀之

時檄字傳之彭城人建炎間爲崇德主簿廉正惠愛有
譽於時內擢不赴卒於官後遂家焉

黃揚紹興初知崇德縣時縣治罹于兵火揚至發帑重
建民不知擾

木楹字濟之濟南人進士建炎時爲崇德令任滿民不
忍其去楹亦安之遂卜居焉

鄧根字浚伯昭武人進士建炎初爲崇德令倜儻有風
力選丁壯保護鄉里時州兵徐明聚黨爲亂誘執太
守趙叔近根募士死戰擒戮之後浙西寇起所過多
遭劫掠獨相戒不犯石門累擢秀州守

張公秀字仲寔吳人紹興初爲崇德丞文采煥發在官
時咏歌甚夥擢臨縣令

冷世脩字良器常熟人進士紹興時爲崇德主簿州守
張瑜異其才移攝理掾郡無冤獄遷建康知軍

葛邠字用光號楚輔江陰人乾道初爲崇德令以儒雅
飭吏事政尙敦朴民俗安堵時稱循吏

黃幹號勉齋閩縣人慶元時監崇德酒庫勤於吏事嘗
攜官本錢市米值寒暑無間侍郎辛棄疾枉駕過之
曰是乘田委吏也著酒器五銘寓興感于題詠中又
上酒庫諸劄悉中利弊安撫吳臘時引爲重史稱幹
濬于經學號通材少受業朱考亭之門考亭妻以女
所著詩文于聖賢精義多所發明學者稱爲勉齋先

生官終安慶知府謚文肅

樓演字伸甫東陽人寶慶時爲崇德令有能聲疏剔積弊吏胥莫敢爲奸居官剛介施爲條教悉犁然有法黃元直字致君會稽人淳祐時爲崇德令修葺儒學兩廡建榮桂齋于學舍之旁置學田若干畝貧士悉沐其惠聽訟明敏囹圄久虛後以報最內擢

元

盧禮字仲敬大平人至順時知崇德州歲旱民有菜色禮貸粟于鄰邑多方賑之又請責富僧商賈均買鹽引省民鹽鈔三萬八百有奇均賦恤民民思慕之

王雍字原肅至正時知崇德州以廉敏稱

明

畢輝洪武中爲崇德令時齊搏爲縣丞皆剛直奸宄相
率趨避時有旗軍來自京師咨橫擾民輝與搏並具
奏疏械繫以聞上嘉之賜以酒醴

徐順建昌人進士永樂初除崇德令廉慎自矢吏民懷
服秩滿遷去諸所器用悉召民還之不攜在官一物
衆皆嘆服

辛耀萊州人前陝西廉使以疏語激切坐戍交趾宣德
初召起爲崇德令性剛方不避嫌怨有中貴過邑中

求索無厭耀辭以民貧竟去不敢留上官胥吏有出
爲民患者輒以重法懲之平時羨耗徭役視前此節
省過半旋以病卒于官邑人咸墮淚

焦寬字仲容南陽人進士正統時爲崇德令勤于撫字
民愛戴之如父母又修葺學舍歲蠲羨耗以給諸生
之貧乏者尤精于賞鑒造就寔多擢御史

卞綸字理之德州人進士景泰時爲崇德令時巨寇張
正率黨俞老虎等嘯聚義烏鎮出沒剽掠綸設方畧
擒正戮之群盜解散縣署久廢督理鼎新凡學校街
巷河渠市肆之屬無不規畫繕治在官六載善政纍

繫云

王輿巢縣人舉人成化時爲崇德令愛民禮士脩舉廢
墜擢御史

彭禧字樂善崇安人監生成化時爲崇德縣丞縣爲往
來要衝禧隨事區畫經理悉當歲饑力請于令移存
留軍餉濟之攝邑篆尤多惠政以遲暮乞休送者無
不揮淚

湯沐字新之江陰人進士弘治中爲崇德令時徽人相
與資殖倍取民息民不能堪沐下令捕之皆散去舉
邑稱快裁徭役供應節費數十萬禁民間治喪用浮

屠佛事及一切觀美誇耀之習在官六載習俗漸近
於古居恒冰蘖自持服食器用悉自家携人無不稱
嘆累官大理卿

陳伯亮字執之福清人進士正德時爲崇德令嚴制豪
強痛繩黠胥一時奸宄避跡遇公事悉捐橐以應於
民無擾擢御史

洪異字大同龍溪人舉人正德時爲崇德令值歲大旱
捐俸濬天長河朔河梁以便往來又新學舍置義塚
在官五載甚多建立擢御史時典史李滋宜興人亦
稱廉能異舉善政輒佐之

陳相字君輔洛陽人進士正德時爲崇德令立正剛果
一時強暴歛跡時中貴用事使者至邑輒需索不已
相一切裁抑之唐侍御廉得其狀有不畏強禦劾邑
咸羞之獎擢御史

齊之鸞字瑞卿桐城人進士吏科給事中嘉靖初以言
事忤旨摘崇德縣丞勤政愛民百姓至今稱之累官
至副都御史

張守約字彥博華容人進士嘉靖時爲崇德令政舉大
綱不務苛細崇學校端士習摧強扶弱奸宄惕息自
奉清約歷數載無大烹之會又葺傳貽書院樹先達

坊表于前爲都士勸擢大理評事

艾鰲新建人舉人隆慶年爲崇德令下車時正值秋旱當道督課甚急鰲曰青黃何給吾寧以官博民卒得緩征鰲性廉潔自甘淡泊不以供奉擾民與士大夫講論經義懇懇不倦陞建水知州士庶共愛戴之

蔡貴易同安人進士隆慶年爲崇德令時含山巨寇楊雷犯境設方略縛致之境內宴然性廉潔先後蠲羨耗數千請免驛馬夫役諸費尤善迪士類經其賞識者多掇科第復建尊經閣捐修宮墻泮池秩滿擢御史士民思之爲構四知亭

陳履字德基廣東人進士萬曆四年爲崇德令立政寬
平務以長厚自期時境內多事一惟靜鎮民得休息
陞蘇州同知

朱維京萬安人進士萬曆時爲崇德令先是丈量田畝
不均至浮舊額五千有奇維京至按畝理之衆皆感
悅擢工部郎初維京官太尉以疏語忤張居正謫汝
州判官改令石門侃直如故邑中豪蠹皆殄滅其始
終進退一於剛者

靳一派字宗源海澄人舉人萬曆時爲崇德令捐助學
田纂修邑乘百廢具舉立政英察遇豪強不少貸先

是石邑民田多寄託紳戶巧圖優免一派廓清其役
又故時解糧恒多積弊一派改爲官兌里胥不敢作
奸擢穎州知州

高士選字毅農長樂人舉人天啟時爲崇德令時有陸
符虎金象精者挾其貲橫行鄉里士選執法剪除之
一時豪猾咸望風屏跡又禁革蠹吏私派重繩里胥
之需索虐民者以不得志掛冠去

林冲霄字雲客霍丘人進士天啟時爲崇德令值編審
嚴釐花分詭託諸弊賦役得均性慈祥刑不妄施人
咸服其寬和累官給事中

劉國會字恒岳武陵人舉人天啟時爲崇德令修葺學宮鼓勵士子一時人文蔚起爲政寬厚不苛於法士庶呼爲長者

國朝

陳邦寄字震軒完縣人蔭生順治九年爲石門令海寇侵境屢肆焚劫邦寄以方略禦之境內籍以安枕先是徵漕多仍前季陋規邦寄力請於上官禁革羨耗伐石勒例至今利賴

韓文鋒字二水長安人進士康熙元年除石門令有富民失盜千金文鋒追獲例當貯庫召其人至還之一

無所染民多逋賦故例責比糧長文鋒設飛票止追
欠戶而不波累其他民甚稱便

謝元瀛饒平人進士康熙二年除石門令奉檄丈量按
畝僉役民無不均之嘆邑苦孔道供億元瀛請于上
官得鄰邑協濟民困遂蘇至今口碑不絕

桐鄉縣

明

生用和蓬萊人監生宣德五年爲桐鄉令邑當新析經
營盡得領要民皆樂從尋以憂去人惜之繼用和者
趙中代州人宣德七年任因用和之緒民亦不擾

田玉內江人國子生正統時爲桐鄉令時閩浙盜起征
需繁重玉寬假獎率貧富適宜民用賴以不匱以艱
去民上疏乞留服闋復任陞瑞州守

張泰樂亭人監生景泰初爲桐鄉令視民疾苦去兼併
招商賈爲邑大利又繕完公署學校壇壝屢興大役
而民不知勞秩滿遷去

鄧玘順昌人監生景泰時爲桐鄉丞清慎廉謹歷六載
如一日

王哲金鄉人舉人天順時爲桐鄉令政尙寬厚舉動必
察民情以憂去

孟俊咸寧人舉人成化時爲桐鄉令廉明有氣節理焚
剔蠹敬老恤孤邑人畏而懷之尤注意學校好培植
士子治行爲諸邑冠擢御史

胡憲偃城人監生成化時爲桐鄉主簿性端嚴吏民不
敢易之督修縣治尤著勞績

孔公澗字澤文 宣聖五十八世孫弘治時由監生任
桐鄉丞以惠愛著

王昊字汝欽衡陽人進士弘治中爲桐鄉令編審田糧
除詭託侵欺之弊修舉廢墜以廉介稱擢御史

徐珪應城人弘治中上封事除桐鄉丞慷慨有才略縣

事賴以經理累遷贛州同知

李廷梧字仲陽莆田人進士弘治時爲桐鄉令敏于才
遇事迎刃立解胥吏不能爲奸擢御史

張紘字文儀上海人進士正德初除桐鄉令篤厚慈惠
有循吏風遷知高唐州

楊燦字仲玉華亭人進士正德初爲桐鄉令性侃直聽
訟無所屈撓監史薦其才改知開化

任洛字仲伊鈞州人進士正德初除桐鄉令明敏公廉
民懷吏畏以憂去行李蕭然後官御史

范來賢字昌國常熟人進士正德時爲桐鄉令英察果

斷所決疑獄甚夥陞主事

方克字惟力安慶人進士爲桐鄉令寬厚簡重稱循吏
擢監察御史

金燕潛山人進士嘉靖三十三年除桐鄉令性剛介有
禦變才甫入境倭寇四起遂訓練士卒備攻守具賊
屢攻城多方設計禦之斬獲無算城賴以全召補給
事中民感其德建祠祀之茅坤有傳

蔡時鼎漳浦人進士萬曆時爲桐鄉令年甫弱冠立政
精敏豪猾斂跡後擢御史

王士鑠金壇人進士崇禎壬申爲桐鄉令御民以慈待

士以禮文網悉蠲而胥吏罔不嚴憚治行稱最應內
召去士民攀轅不獲肖象建祠

國朝

徐秉元遼東人廕生

為桐鄉令徵輸不事敲朴刑

清訟簡淡泊自喜衙署蕭然以盜案註誤民寃之

教職

宋

吳柔勝字勝之宣州人進士淳熙時為嘉興教授以伊

洛持敬之學訓迪多士浙西大水奉檄賑荒多所全

活初與丞相趙汝愚友善汝愚去國御史湯碩隱恨

之勘柔勝學本朱熹最易惑眾遂報罷後為秘閣修

撰

張夢吉咸淳時為嘉興縣主學先是縣未有學夢吉偕

令張汴具狀判府請立學于西城風化一新士習丕

變

施棐字徵晉紹熙四年為海鹽教諭植品脩潔著有小

學記

元

沈天祐臨安人大德中為嘉興路教授尊經術制古樂

復侵田有殊功焉

浙江圖

程榮秀字孟敷休寧人延祐時爲嘉興路學教諭新陸
宣公祠訂定遺書風勵學者擢浙西提舉

潘庭堅字叔聞太平人至正時爲嘉興學正學宮傾圮
白于縣尹陳伯顏鼎新之恢擴殿廡制度加廣陳達
爲撰碑記

呂德裕字文饒單父人延祐時爲海鹽州教授嘗別學
田積弊徵逋租以修廟學翰林陳旅稱其才可大用
鄧文原字善之綿州人大德二年爲石門學正家貧行
潔終身不改其操博學工文詞所著文集海內奉爲
著龜官至集賢直學士謚文肅

嘉興府志 卷之三
陳良弼字公輔寧國人至正時爲嘉興路教授律身彰
教皆遵古道一錢不入私室修葺學宮經費鉅萬守
以屬良弼良弼固辭言此非儒官所預守益賢之

唐肅字處敬山陰人至正時除嘉興路儒學正博通經
史旁通百氏及陰陽卜數律呂之學明初內附擢國
子監編修

秦約字文仲崇明人至正時爲石門學正以學行聞洪
武初詔試慎獨箴拜侍郎以母老辭

明

孫作字大雅江陰人洪武時任太平教授上以其博學

能文改嘉興教授

鄭深道字文立龍溪人解元洪武時爲嘉興教諭有文名後爲梁府紀善累受旌異正統間鎮海衛奉禮部勘合請領教事衛人多沾其教澤

張魁字萬選新淦人宣德時爲嘉興府教授嚴條約教必身先學甚淵博而尤邃于春秋後拜監察御史

顧儼字廷望正統時薦授嘉興訓導造士有方多所成就召拜監察御史

李伯璵字君美上海人舉人正統時爲秀水教諭有文譽後以監司薦擢淮府長史著文翰類選行世

韓啟字景明嵯縣人正統時以呂原薦授秀水訓導學
行兼優造士有方擢德府紀善

陳勗字勉之宜興人舉人正統中任嘉善訓導博學砥
節每旦必齋居課士夜輒躬巡學舍察諸生勤惰勸
懲焉秩滿拜監察御史

沈律字應和崑山人舉人景泰中任嘉善訓導典福建
河南試性坦直能詩文諸生中貧不能葬者咸捐俸
助之

曾思孔淮安人舉人天順中任嘉善教諭嘉興諸生講
授貧無書者購畀之有饋遺者拒弗納時稱良師

王緒字紹夫樂平人舉人弘治中任嘉善訓導立規條
課士無敢不遵時學宮圯壞不以煩有司捐俸首建
學門好義者咸資助之新聖像製祭器學制大備擢
知忠州同時訓導劉汝瞻清約有遠識與緒寬嚴相
濟人並稱賢

蔡煥同安人由貢選任崑山訓導領嘉靖應天鄉薦任
嘉善教諭標致屹然搯履廉靖常捐俸課士品藻尤
精後召爲都察院司務歷臨安知府

林榮字尙仁閩縣人宣德時爲海鹽教諭以經義德行
爲教遇貧生却贖弗受卒于官幾無以殮後有豐城

王楚章閩鄭理劇沐陽孫芳皆增置科條切磨諸生
相守若一人材由此而盛

高梓字植修貴池人隆慶時爲海鹽訓導清學田故弊
徵逋租四百餘石增置田一百畝值土人周香聚黨
爲亂梓以計白縣令捕獲之按臣以才能薦擢通判
林光字緝熙東莞人舉人成化中爲平邑教諭從陳憲
章莊景輩游明心性之學動中規矩郡守劉琰聘修
府志居九年遷國博

浙

戴鍊字成之婺源人舉人嘉靖中爲平湖教諭以道率
人崇尚志節生徒貧而好學者分俸賙之捐貲以葺

學廨歷官寧州守

陳朝紀南海人嘉靖中爲平湖教諭以名教爲己任嘗
詠天下可人惟雪色客中知己只梅花之句以老致
仕有冷香集

法暲字雙嶼丹徒人平邑自建治後百餘年未有志暲
任學諭慨然以爲己責博採省府志據拾裨官家乘
閱三月書成至今人稱詳核

趙書字同文桐城人嘉靖末任平湖訓導勤于課士餽
遺却勿受士貧者典衣以周之

洪敷文臨桂人萬曆己卯解元平湖學諭綽有大度容

人之短誘人之長不屑屑于科摘而凜然不可犯

袁端新淦人舉人成化時爲崇德訓導先是嘗主白鹿

書院及署訓舉書院條規教迪生徒人盡樂從遷教

諭

書

歐陽宗字旣庭廬陵人天順時爲桐鄉教諭嚴毅自持

一介不取于人性尤忠厚聞人有醜行相戒勿言士

人悉欽服之

文彭待詔徵明子隆慶時爲嘉興郡學訓導坦率和易

瀟灑出塵尤精書畫名重于時

魏浣初常熟人進士萬曆時嘉興教授勤于講論從遊

盡名士屢爲考試官得人最盛擢吏部郎中

張綸字宣甫汶上人隆慶時爲秀水訓導布衣芒履一室蕭然諸生有餽遺堅却不受以薦擢戶部綸少時嘗從吳旺湖先生講學深悟畫前之旨著有二極圖說圖書考

錢淵建平人嘉靖時爲桐鄉教諭廉政好學日偕諸生談論經史評隲文藝不少寬假勗人必以六德六行有浮薄者輒譴之廩生金某貧不能葬其親淵捐俸瘞之見婦人泣于道詢知其夫負富民債將鬻身以償淵召富民至好語勸之且云若如吾言吾當請于

嘉興府志 卷之三
令以於汝義富民卒感動免其夫償更與之金石凱
立傳以記其事

余鼎字匡九僊居人萬曆年爲崇德訓導明經學講論
亶亶不倦有訂正孝經行世

孫繼祖字繩武武義人舉人萬曆年爲崇德教諭凜凜
風裁一介不苟以道義約束諸生有不率輒以法懲
之按臣大加獎嘆稱爲師範之杰出者陞平山知縣
石鐘湖口人萬曆年爲崇德教諭性溫厚遇事抗論不
回却士子餽遺遇貧者捐貲助之歷五載不改其守
王諷祁門人解元嘉靖時爲秀水教諭立君親師三匾

大書聖經于明倫堂又建文峰塔濬鯤浪池士子伐石紀之有石龍集

國朝

葉蘅慈谿人進士順治庚子爲嘉興教授端謹善誘來學者甚衆遇貧士輒資給之著有東西銘註

姜廷樸字尚父會稽人舉人康熙庚戌爲嘉興教授問學該洽軌範矜莊尤長于詩所至輒爲吟咏陞肥城知縣

管鳳來蕭山人康熙十年爲石門教諭明五經勤于訓迪郡守屢獎之稱其不曠厥官

嘉興府志 卷之三
范光燮鄞縣人康熙丙辰爲嘉府訓導性剛正諸生有
過輒召面責之聞人有節孝行必請學使者旌獎評
論舉子業不爽尺寸

費源字星來湖州人進士康熙辛卯爲嘉興教授操履
端方士樂從之著古文詩苑亦重于時

邵廷章字于會建德人癸卯鄉薦康熙十四年授嘉善
教諭時方軍興人情風鶴廷章率諸生從容講學不
異平日學宮傾圮兩次捐俸倡修秉鐸十年衆心悅
服

閔元賞字紫階烏程人癸卯鄉薦康熙年間授嘉善教

諭教士誠懇月課制義無間寒暑擇其佳者捐俸授
梓凡四集復葺新學宮年八十餘卒

王召字徵先烏程人戊子舉人康熙六年任平湖教諭
月課生儒品隲不爽人稱訓迪有方

孟士模字周木會稽人由烏程淳安補任嘉府訓導振
興多士務砥名節居十載遷德清諭歿祀名宦



王際字道遠
 林氏四
 備
 士
 圖
 書
 館
 浙
 江
 興
 六
 平
 臨
 蘇
 備

王際字道遠
 林氏四
 備
 士
 圖
 書
 館
 浙
 江
 興
 六
 平
 臨
 蘇
 備

宦跡類傳

宦跡類傳

漢

第五倫建武末爲會稽太守俗多淫祀案妄屠牛祭神者以法由拳人張武父遇盜戰死河內亭武後之太學常持父遺劍至亡處祭焉倫嘉其獨行爲舉孝廉

晉宋

晉虞潭袁山松並吳國內史先後築滬瀆壘以禦寇又虞丘進從宋武帝征孫恩破賊張驃追至海鹽故治追恩至石鹿頭還海鹽大柱頻戰有功

唐

張廷珪蘇州刺史初海鹽患海寇孫吳永安七年賊破
縣殺司鹽校尉賂秀晉宋時孫恩田流並從海道來
犯及唐開元五年廷珪奏置澉浦鎮將初海鹽省入
嘉興百姓應奉苦塗遠乃奏復立縣于馬臯卽今治
也天寶十年吳郡太守趙居貞以海鹽多盜置寧海
鎮節束之

張滂王緯高日倫並貞元時嘉興監遙領鹽賦先後課
績特優監人賈人各得其所又張祐爲冬瓜堰官子
虎望繼領是職最知名

吳越國

阮結吳越國制置使僖宗文德初築嘉興縣城昭宗乾
寧二年淮帥楊行密遣將圍嘉禾四年王弟鎮與顧
全武自海道救之諸將皆欲緩進全武請倍道兼行
一日師次嘉禾遂內外夾擊禽賊將李宗禮等及卒
三千餘人

宋

安德裕知秀州太平興國二年卽唐嘉興縣文宣王廟
基勑置州廟祥符中知州耿肱徙置望雲門內後知
州錢邇方滋並嘗改建

石知一海鹽主簿太平興國中重建夫子廟于縣東

翁緯海鹽令初縣學建烏夜鄉逼于農田景德四年緯

移建于縣南自為記

褚瑄嘉祐中以屯田員外知海鹽遷廟學于縣南堂齋

小學並新之

陸長愈知秀州崇德充晉州教授請以孟子同顏子配

享殿上部請設鄒國公位于兗國公次廟並塑像其

冠服同兗國詔從之昔熙寧七年也

見宋史禮志熙寧日曆

王子武宣和時州統軍守城拒方臘將七佛眾六萬禁

軍至內外夾擊斬賊九千築京觀五

黃大卿知秀州劄陸宣公祠于州學淳熙初知州呂正

已復新之建炎初知州程具作書院于台東紹定中

已復新之建炎初知州程俱作書院于治東紹定中
州倅陳垣又改建公祠景定中知軍府謝奕燾構堂
繼廩率諸生而祭菜

館

錢顛以御史言新法貶徙秀州監稅家貧母老每貸親
舊以給朝哺怡然自如東坡寄詩所云怪君顏采却
秀發無乃遷謫反便美也又因坡詩有烏府先生鉄
作肝句世目鉄肝御史時張先子野爲秀州倅周邠
開祖爲崇德令並以風流相尚子瞻次韻周開祖長
官見寄詩云近憶張陳與老劉謂子野令舉季叔也
周後爲秀州守與嘉興令陸蒙老倡和八詠今猶傳

誦

黃揚宣和間令崇德嘗改建縣學

章緯字伯咸浦城人判秀州有惠政弟綜提刑浙西摘
奸稱神明又有段少連爲兩浙轉運副使秀州獄空
謝諤爲監察御史奏減秀州月椿錢

趙叔近悼王元孫榮良公克類子官龍圖閣待制建炎
初守秀州杭卒陳通反詔辛道宗討之兵潰爲亂抵
秀城下叔近乘城諭以禍福通斂兵退詔著權兩浙
提刑以撫通叔近輕隊入賊置酒推誠衆皆感服因
奏赦通黨比叔近還秀王淵兵至杭淵忌叔近功詐

傳趙秀州來通出郊迎淵遠殺通而誣叔近庇賊拘
于州以朱芾代之秀卒徐明亂芾出叔近叔近撫定
之倉卒未及聞而朝遣統制張俊討明俊王淵部曲
也淵論俊必殺叔近俊至叔近郊迎俊叱衆折其首
秀民哀痛立祠祀焉真如寺有趙龍圖祠紹興間御史言叔近
冤贈集英殿修撰族子士醫秀州都監建炎初拒戰
兀術城陷死之贈武翼大夫官其二子初歛人程俱
爲州守金人南渡據臨安遣兵破崇德海鹽俱厲兵
守禦又建炎間啍人楊存中從討徐明于秀州王淵
等議屠城力諫止之

徐光實紹興中海鹽令歲癸亥重修邑東舊學堂殿齋
廡皆新之明年行鄉飲禮預者百人又訪中朝畫本
改飾先聖先師十哲及鄒國公像乾道初知縣劉
銓改建治西南卽今學也繼令魏汝功增建廊廡李
大卞增學糧試補諸生

趙善悉淳熙中知州嘗重濬澉鎮運渠深廣有利于後
又趙希道字君猷秀邸孫嘉定初知府請升府爲軍
又嘗助府學田

吳杜嘉定初教授嘗置小學田又州學田爲奸僧冒據
嘉定中教授蕭杞復之

商近鄉嘉定初知軍能文章吏治嘗作崇德學田記

鄭定吳門人嘉定中知軍府爲政亟先務前守岳珂營
府學未就定落成之又闢地于西築六齋復修嘉興
貢院立興賢館嘗經營小學未及成繼守朱士麟在
樂葺成之後守王某畚齋給楮錢萬置田焉士麟與
後慶元間知軍王補之並閔雨得霖自記詩文

莫叔益紹定初知軍謝坐恕齋天台人寶祐中知軍並
重建府學觀頤堂以養士坐又剏明德堂疏璜池闢
廟門名爲大司農

吳潛字毅夫號履齋紹定中由別駕遷知軍前守相臺

岳珂嘗欲營室養孤老者畱緡錢于郡後移用不克

潛積累括田得米二千七百創院曰廣惠今名養濟聚無

告者居焉老病者月五斗錢千少者三斗錢半之開

慶間再入相為名臣

書

趙與篤端平初知軍初知州呂正己創御書閣于州學

與篤改建之

段浚景定中嘉興令時賈似道行公田于浙西六郡知

嘉興府潘墀撫幹李補寓公焦煥炎專其役獨浚不

即奉行提領劉左司劾罷之五年七月甲戌彗見東

方秘書郎文及翁應詔首言公田之害謂公田創行

將以足軍諸獨和耀奉行太過限田之名一變為并

將以足軍儲蠲和糴奉行太過限田之名一變為併

戶又變為換田耕夫釋耒以流離田主無辜而拘繫

此彗所以示變也咸淳中為知軍助建縣學

周密癸辛雜識

景定三年賈相欲行公田劉良貴贊其事謂限田法自昔有之買官戶踰限之田嚴歸併飛走之弊回買官田可得一千萬畝可免和糴可餉軍住造楮幣平物價安富室一事行而五利興良貴任提領之職降旨買田始于浙西賈相遂先以己浙西萬畝為官田表倡先是議以官品逾限田外回買繼而轉為派買除二百畝已下餘悉各買三分之一及後雖百畝之家亦不免焉立價以租一石者償十八界四十楮不及石者價隨以減買數少者則全支楮券稍多則銀券各半又多則副以度牒至多則加以登仕將仕安人等告身準直檄府丞陳訐往湖秀任督催職郡又有專官嘉興則知郡潘墀撫幹李補寓公焦煥炎守臣並以主管公田繫銜既而提領劉左司劾罷嘉興宰段浚宜與宰葉哲佐以不即奉行之罪乃立四分

司方夢玉任嘉興鄉郡則分老莊官每鄉創官莊一
每租一石減二斗時迎合者止欲買數多六七斗皆
作一石及租額虧則取足于田主內有磽瘠又責換
于田主其禍尤慘咸淳五年罷莊官改召佃自種運
納賈既去國察院季可奏此事苛擾民皆破家蕩產
怨入骨髓若盡還元主免索元錢而除其籍庶使浙
西之人永絕公田之害會邊遠日急還田之事竟不
及行 明長洲布衣趙同魯平賦詩序賦役之重莫
逾江南而賦額尤苦于不均或膏腴而反輕或瘠薄
而反重腴而輕者雖倍其入不過十稅其一瘠而重
者稍加其耗則稅其三之二矣其始蓋由國初以田
賜功臣之家及豪強兼并者私重其租厥後犯法沒
入則視其租以徵稅甚至陂湖沙漲咸在焉洪武間
轉漕道近且海運不廢故耗輕而民不甚病永樂中
定都北方武臣憚道之險疏裏河以通漕於是始倍
其耗而逃亡相繼宣宗詔減官田三分之稅蘇守况
鍾又抗章上請得遵優旨又華亭顧尚書文僖會錢
新令詩宋季已窮蹙取民猶甚涼一壤賈縣州再困
朱管張浸淫到國初乃至十倍強本朝顧炎武日知
錄嘉靖二十六年嘉興知府趙瀛初議田不分官民

稅不分等則一切以三斗起徵自官田之七斗下至

稅不分等則一切以三斗起徵自官田之七斗下至民田之五升通爲一則小民乃代官佃納無涯之租賦且景定之買此田者不過予以告牒會子虛名逼而奪之以至慧出民愁自亡其國四百餘年後推本重賦之繇則猶其遺禍也朱彞尊詩話嘉興民田多故田則輕嘉善官田多故田則重秀民則官民相等故在輕重之間趙氏圖記可證善邑不原其本爭訟者幾百年不知非附郭二縣之弊猶賈似道之貽害爾

趙師石

澈水志作師名

淳熙中澈浦監鎮知州趙善悉嘗薦于

朝時黃洽爲中丞以所親囑善悉善悉聞師石材而未識面薦而後報曰宜以中丞所親爲後洽大恚徐之紀嘉定中監鎮嘗以禪悅院爲鎮學繪像行釋菜禮歲節冬至序拜鄉飲以爲常趙潛夫嘉定中進士

寶慶初監鎮詩有清思屢以著述練達薦及卒鎮人
爲立思賢碑羅叔韶紹定中監鎮廉平多善績屬鎮
人常棠爲澉水誌

厲夢龍淳祐初鮑郎場司鹽歲大歉清苦檢飭竭力奉
公三年課最

趙景緯咸淳中知軍重建小學于郡學東生徒額三十
日課四書月試舉子業長升大學

金安裕咸淳未知軍嘗作
先聖禮殿于宣公書院又
重修府城

元

王總管至元初高田賊作殉難民立廟祀之

至元志在城錄事司

有王總管廟失其名今廟亦不存此以死勤事法宜得祀者也與宋海鹽黃郎中廟並應興復以勸善者

陳紹在四明人至元中與嘉興徐碩同主路學職嘗整

宋御書閣改名尊經下像

先聖燕居旁祀周邵司

馬二程張朱南軒上蔡東萊十先生建八齋正禮堂

育德亭

辛仲實字仲延

碑刻仲實弘治志作仲寶悞

彰德人大德初總管嘗

與監郡撒刺兒仲文路同知李衍仲賓重建路學繼

總管石承慶維陽人大德中與監郡海答兒免儒人

坊正弓手之役及里正

碑缺二字

之老

孔演 至聖五十三代孫博識勇于義大德末教授重

修路學八齋小學頤講之堂靡不新

徐總管碑闕名延祐末重修路學同知桑哥釋里治中孫

文清府判大都驢助成之香抹速忽至治中海砂丞

以廉幹稱

八扎碑不載名弘治志名崇路達魯花赤至順初重建路學禮殿

繪塑 先聖四配十子諸賢像据此知四配至未咸淳後始備

丘世良鄧文翁呂德裕先後為海鹽州學教授始縣學

田萬畝元初為民據世良于大德時文翁于延祐初

王相繼復之至後至元初德裕與知州賈禧盡剔其蠹

林大新州學又至元初知州趙孟貫至正初知州葉彥
中並有興修之績至正時嘉興學博潘庭堅與縣尹
陳伯顏大新學官

和元昇後至元時總管重修尊經閣廣學東地址

禿堅董阿良臣至正初總管建路學齋甃璜池易靈星
門以石剗學正錄廳

陳宗義至正末總管時張士誠圍嘉興兵燹後民廬爲
墟勸以地售學拓基七十餘丈建明倫堂

卽至元初
創正禮堂

四齋鑿池架梁學始大備

陳知州

記闕
名

至正初知海鹽州以釋菜有牲幣而無樂

嘉興府志 卷之二十三 九
為缺典始作大成之樂時陳伯顏尹嘉興縣新學宮
行釋菜禮王雍知崇德州嘗徙建州學

李復元末路同知嘗立寨于王江涇拒張氏又路通守
刺繆思恭德謙當張士信來攻思恭拒于杉青閘以火
攻之師大捷楊張亂後城無完郭思恭猶招羣彥集
南湖以不可久畱豺虎地南方猶有未招魂分韻越
二年路教授曹睿新民復集于景德寺會者亦十有

四人

以因過竹院逢僧話又得浮生半日閑為韻時
天台徐一夔大章助教路學會稽唐肅處敬為

路學學正四明周棐致堯為宣公書院山長鹽
城秦約文仲為崇德州教授並以風流相尚

林邦福瑞安人陶庄務副使歲太褻民為盜捕得之議

者悉置重典邦福告捕使者曰飢民瀕死為亂情有

者悉置重典邦福告捕使者曰飢民瀕死爲亂情有
可原者得減死數百人又沈秉忠鍊穆而溥化至正
間以江浙行省宣使先後管嘉興驛並著善績

隋世昌棲霞人元初以安撫使鎮澈浦獲海賊進安遠
大將軍卒諡忠勇

趙賁亨冠氏人至元十四年盜發澈浦賁亨時授處州
路達魯花赤未行間行省檄爲招討使率兵討平之
賀傑元末嘉興萬戶值革命解所佩金牌投幽蘭井遁
居當湖以終

明

劉澤民洪武初通判攝郡事重新嘉興縣學遷同守重

建宣公書院

徐本洪武末嘉興令革除初族誅遜國臣楊任家妾方

孕本縱之依兄家得生男李鑑亦嘉興令時御史姚

瑄以奸黨削籍弟亨當連坐鑑不籍逮至京長陵以

無罪釋歸尋擢御史

胡槩宣德初以大理巡浙與吏部郎李亨侍郎成均經

營學校

秀善平桐

定其基而知府齊政同守孟迪與有功

焉

又景泰間僉事陳永成化間御史劉珂劉魁參政
甯良參議劉潺僉事周正方張悅弘治間參議車

明理僉事蕭紳伍性正德間學使徐蕃嘉靖間御史
張景參政洪玉方僉事焦伯升學使徐子升崇禎間

學使許李皆有

學使許李皆有
功學官者也

劉瑞字德符一作德夫內江人進士正德丁丑督學浙省明

年六月廣購注疏史集分貯十一府學官嘗釐正石

邑鄉賢祠黜沈晦朱逢吉沈貴增趙汝能已下十三

人畱心風教克盡學使之職學者稱五清先生同時

有倪嘉善璣斗城人以左給事謫縣丞建思賢書院

聚六經子史數百千卷貯之以樓請名于劉德夫名

曰清風之樓劉爲作思賢書院記

黃懋真定人正統初知郡以郡學講堂迫于廟後乃闢

地十五畝改爲之宋知軍謝生建講堂名明德元教授陳紹在易名正禮總管陳宗義

闢地建于廟東始名明倫明洪武成化中知郡楊繼未參議李文華移建明德堂故址

宗徐霖並崇尚庠校興績尤多初景泰間郡守舒敬楊公時同守楊冠最

以績著 佟珍字時貴遼陽人弘治中知郡前守黃子勉

創講堂後堂並燬至是再新焉并及尊經閣弘治初守柳琰佟繼守楊奇

嘉靖中守鄭銅趙瀛並有修建劉慤嘉靖中知郡嘗新縣學講堂島

寇圍困海鹽給守具及餉軍未嘗後時車大任邵陽

人萬曆時郡守屢興理學官與嘉興令鄭振先劄仁

文書院講學教士繼守蔡承植及同守熊秉衡節推曹光德置義田四百餘畝又萬曆

初守李椽曹代蕭萬曆末守吳國仕天啟時守詹邑應鵬崇禎時守王宮臻司訓吳祖稷皆修學著績

令之有功橫序者嘉興趙成大王錦黃獻可何源蔡

肇慶鄭振先類欽章王繼羅介又有范崙顧雲程陳

肇慶鄭振先顏欲章王驥羅玠又有范崙顧雲程陳儒陸獻明蔣允儀學

諭歐陽克常司訓秀水莊澈譚溥陳子廷傅汝為並孫肇元丞張整

有勞勩又趙章林應亮朱來遠李培張叔鏗邑丞高謨殷嘉謨學諭姚起明司訓邵志登陸碑缺行

嘉興黃令秀水莊傅二令績最多而侍御張景郡守

楊繼宗功尤鉅焉嘉善鄭時李遜畢紳又盧雲汪貴吳傑劉子厲

王德明郭田李調元徐榮手業王察言李仕華金和章士雅徐儀世蔡鵬霄學諭王益司訓林勤王緒邑丞潘瑜朱

于業始置學田繼令陳道基教諭倪以和司訓高善黃利見增入焉

李陳玉建鶴湖書院而文廟初建講堂重新則郡守

齊政楊繼宗為之海鹽令王文厲肅夏浚李薦佳又

官廉曾昌謝萬貫徐朴譚秀王璽何思謹饒廷錫李當泰喬拱璧署判張繼芳學諭孫復初王恭御

史劉珂僉事伍性郡守楊繼宗之功尤多樊令維城

嘗葺橫宮置樂器焉而高司訓梓則有創置學田之

功令鄭昊范梅助入之平湖令張寧郝文傑賴垓丞孫華學博

林光又令徐韶周仕黎循典李僑陳一謙顧廷對劉士瑗江環黃焰王羲民羅尚忠顧國寶黃士蒸

吳春枝署判沈鳴韶學諭韋鑾曾士彥方允昌石邑令焦寬郁綸王輿吳浚

朱潤蔡貴易陳允堅靳一派解學周而綸潤允堅倍

有勞勩又田慶原張超洪異許繹劉宗武陳履署判方玘學諭陳繼祖孫肇元桐鄉令

趙中范宣田玉張泰左源孟俊任洛朱尚質蔡時鼎

邑丞鄧玘李經而張令績尤著又張翬梁敬王昊曾士彥高梅陸枝邑丞

陳昭學諭危山李九標僉事周正方于鹽桐二學學使徐蕃于

石桐二學有大造焉景泰中僉事鄭彥舉置府學

石桐二學有大造焉

景泰中僉事鄭彥譽置府學祭器使司訓章番記于石

郭瓛宣德中海寧衛指揮也嘗興修學官李滋正德中

崇德尉也建文璧山桂山嘗構屋數十楹規其直資

士膏火張蔚然萬曆中平湖學博法紫陽主同安簿

攝學貯書故事置注疏語錄講義三百五十卷合學

舊藏共千卷貯之學官此三人者皆近今所不能及

黃光昇字葵峰水利僉事嘉靖二十一年築海塘得前

縣令王璽法詳究之尤盡善

初弘治初令譚秀改築湯公坡陀塘內橫外縱

以漸減縮令斜以殺潮勢王令砥方石縱橫交錯下濶上縮內齊而外陂至是黃又著議謂築塘病在塘根浮淺及外疎中空余修塘必內與外無異石去浮沙四尺見實土乃入椿與土平傍築令實乃置石為

層者二必縱橫各五令廣且擁以土令深層之三若
 四則縱五之橫四之層之五若六縱四之橫五之層
 之七若八縱橫並四之層九十縱三之橫五之層十
 一十二縱橫又並三之層十三十四縱三之橫二之
 層十五縱二橫三層十六縱橫並二層十七縱二橫
 一層十八是為塘面以一縱二橫終焉石長以六尺
 廣厚以二尺琢之方砥之平俾緊貼也層表裏必互
 縱橫作丁字形彌直罅之水也層中橫必稍低昂作
 幞頭形彌橫罅之水也層相架必跨縫而置作品字
 形以自相制使無解散也層必漸縮而上作階級形
 使順潮勢無壁立之危也又堅築內土培之若肉之
 附骨然可免崩潰矣又曰塘如欲盡築非四五十萬
 金不可役夫姦詭百出須通判官五六員丞簿等廿
 餘員朝夕臨之耳目瞬息不息蓋巨石一疊內藏疎
 畧更難移驗矣時縣令魏廷璽亦有議曰近海軍民
 多賴修塘為活計一人而影射數名又管工委官羈
 身海上颶風毒霧度日如年但欲
 速成了事孰肯盡心如幹家事

橫者至隆慶時猶亡恙

計築一丈費
三百餘兩

萬曆初同知黃

清仿其法改用大石為之
築土塘開白洋河樹盪浪

清彷彿其法改用大石爲之

築土塘開白洋河樹盪浪
椿淤沙以護塘又鑄鐵獸

十二以厭水力皆募海上災飢之民寓救荒意郡守
李椽收榷溺者又繼守黃希憲令饒廷錫與僉事張
子仁陳詔並多勤勤而黃清起家
掾吏巡撫謝鵬舉獨違衆拔用之

滕伯輪甌寧人巡撫丁亥海溢因條上方畧十以副使

夏良心同知曾維倫眠工而數馳涖之程督甚勞卒

十議一委官二錢糧三塘式舊塘惟典史吳允隆所
築至今不壞蓋砌以魚鱗又二面收縮石堅工細故
也今議以四縱六橫起基二層濶二丈七尺五寸自
第三層漸收而上每層內外各收七寸至第十八層
結面濶九尺三寸石必六面方平砌必縱橫相制蓋
面之石又必內外皆縱以順水勢砌時必先驗面面
相同縱縱相合以祛偏斜貼觀之弊四採石舊議石
長六尺闊厚二尺二寸不如數者亦爲折算以故虛
冒生弊茲議蓋面用大石外其餘以長五尺闊厚一
尺六寸者爲準五木椿議用中三丈木徑四寸者截

作二椿各長八尺每塘一丈用椿二百五十九六工
 程全築塘每官分理三十丈每一丈限十日補砌塘
 每官分理二百丈每丈限二日七收支稽察須密放
 給以時錢糧議俱解本縣貯收采木石官日開買到
 料數照數支銀總理官驗散入土塘往石塘同土塘
 並築故石塘工作麤疎無從詳驗今宜候石塘工竣
 閱視內外如式取實土緊貼填築九體恤塘工每日
 給須稍充每官撥驛船住止各設蓬廠撥夫二名匠
 人各于官廠側起草篷四五區使居炊爨廢物料有
 守赴工不勞十稽查時海鹽令黃之俊謝吉卿

塘成後夏副使又議每歲增築內復塘令高厚備外

塘非常圖經土塘有二一附石塘塘成附土以培之黃僉事云若肉附骨者也法先用碎石細帖

于內後附以土水隔于石即及土勢弱不能侵矣一
 內之備塘又在附石土塘內相去稍遠有此塘始可
 撤外塘以築黃守懋所議別築復塘者是也嘉靖間
 通判陳嘉猷縣令魏廷璽有修內塘議與夏副使同
 畧曰其勢若緩其實則捍海之大可恃者在此外砌
 以石下用木椿縫用石灰務高廣平堅興工之序必

自內塘始則人功可施得久其培護塘址議尤善

自內塘始則人功可施得久其培護塘址議尤善海潮

用其力無速成不堅之弊日再至洗剝根址易露昔人嘗于隄外植椿帖石護

之今宜以小筏運沿海亂石盡納塘根有浮露者積高廣丈許揜之第令碎石常在填淤漸聚塘可永固惜當時未有舉行之者

顧雲程萬曆中嘉興令初邑有養惠院宋吳相履齋知

軍時建以處民之無告者元明仍之分縣後宇隘民

厖難以稽覈雲程售鹽倉坊民宅一區為百餘楹聚

憚獨殘疾者養之而以舊院讓秀邑焉近時牧民者往往疑義倉

卹孤諸政為無實效不足行不知亦在乎實心以任事耳今之養濟半患影射侵蝕真有包御史所云身

居于外兒女滿前而亦食其中者矣此不可不深清釐也又嘉善令鄭宣宣德中

建養濟院舊額五十人糧百廿七石後令章士雅增至百人歲支倉穀奏給遇死亡即收補

海鹽令王文于洪武初建劉朝英修之後令樊維城

增建之

每名大口隻身者月米三斗柴三十觔夏冬布各三丈雙身者月五斗柴五十觔夏冬布

各五丈

石門洪武時令梁宣建之成化時令王輿拓地

增之桐鄉則創於景泰時令張泰此數賢者皆可謂明政之先務矣

陳道基嘉靖中嘉善令省刑罰寬逋負表祠先喆墾積

荒田嚴鬻子禁及淫祀海氛初劇善桐諸邑俱未城

獨爲戒嚴寇不敢犯後萬曆中令章士雅爲城守議

謂宜于演武場左臨華亭塘及羅星隘處多築敵臺

章令又有水災免稅申文云先種者禾沈水底皆腐爛以如蒸未種者秧浸溝中悉消磨而若刈車戽號

呼動地一夕皆空圩塘築塞連旬片時盡潰黃髮垂

呼動地一夕皆空圩塘築塞連旬片時盡潰黃髮垂
髻擁舟痛哭耕男饑女結衽悲啼日擊肝摧耳聞心
惻其名災雖自縣尹而降罰亦係天心可謂心乎愛民矣

孫芳正統中海鹽訓導與教諭黃楚章司訓鄭理劇三
人協心誘迪教士爲體用之學又弘治初學諭林榮

嘉隆間諭童崇盛德萬曆初諭漆元中並造士有恩
嵇之楚字蒼梧德清人鄉舉崇禎中教諭桐鄉令諸生

各舉所知獨行者書講堂察諸生甘貧有守者告令

發學租周之

有匿喪試者已取入泮之楚持不可先
後黜二人莫生墨吏議太守怒禡之以

無罪請于學使復焉直指聞而劾之守以罪去獨不
喜邑民許諸生謂土田戶昏分辨曲直當就有司然
諸生有小過失
卽莫不聞也廟廡堂廂禮器之屬莫不新

國朝

范承謨瀋陽人康熙初撫浙以杭嘉湖三府白糧南米

私加耗贈嚴革蠹弊民至今受其賜

謂白糧解北自有原編耗潤輓

輸則有經費行月南米解省亦有額耗若行糧水次對支有何贈耗又况屯田行月水脚修船經費無不備乃婪弁構同地蠹每石勒米一斗銀一錢食米例給糙亦勒白粲南米私截每一石索銀二錢耗米二斗斛面又四五升更有飯米看倉僱脚諸名色南米之耗等于漕糶地方各官良心盡滅豈止蠹役之作姦壞法哉云云自范公禁革後近三數十年來里胥復作蠹構同運弁當年所革諸弊又作焉巡撫朱公釐正之俾復國初官收官兌之法

浙

明

徐榮正統中乍浦所百戶八年倭寇至戰沒

滿朝世襲衛指揮同知

父正正德七年檄征開常賊追寇至青陽嶺深入遇伏死贈僉

事朝少負氣節嘉靖癸丑守梁庄寨倭自金山來至

白馬廟朝統兵甚少與千戶王繼隆百戶楊臣康綬

力戰死祀英烈祠子子謙襲

子謙幼失愛繼母嘗擠之并不死而事之益恭

馬呈圖襲衛指揮好古能詩恂恂有儒將風滿指揮死

事報至呈圖檄指揮采煉兵次演武場以待賊偽為

避寇鹽人以至衆不疑之方晨炊俄吹螺四合不及

陣而呈圖煉皆遇害祀英烈祠子繼武襲

繼武魁岍有大節擢

松海把總值倭突犯曰此吾報仇雪恥日也連戰六日大捷設父像生剖倭心取血酌酒以告痛哭再拜見者感動歷江南副總兵平劉汝國亂傳子孟驍歷臨清叅將彭宗礪紀事萬曆辛丑海邑謔言倭至時已暮夜大雨傾注民奔入城避襁幼穉及衣囊纍纍塞門諸帥守城門者半啟其扉惡少乘之掠取頃刻相蹂踐死者數十孟驍時分守南門獨秉燭戒嚴聽民徐徐入無所損失人以此服其應變畧焉

湯克寬福建叅將以巡撫王忬奏調守鹽率邳兵三百

至殲賊高公山倭復攻城不得入

崔嘉祥紀事曰船三十有七泊龍王

塘邑人皇皇若釜中魚公即率兵出拒民老穉遮道呼號擁馬足不得前湯遂為守計每城堞一派軍民各一五堞監以邳兵十堞統以甲長一舖督以千百戶各門守以衛指揮采九德倭變事畧曰某門某舖有警坐某官某堞有警坐某甲長某軍民甚得邳兵監督力兵民官吏姓名各一冊親自點閱賊攻城矢入如雨中屋瓦入椽而沒公射殺數賊邳兵亦射無虛矢值夜昏黑命城上舉火如晝柳鑼鈴鐸聲四震

砲絡繹發一門舉號合城應之聞數十里時以索縣木運行梁外有賊蟻附北城二三處將及梁惟隨之賊造雲梯數十竭力攻之不得入倭以三十二年五月四日犯鹽九日轉攻乍浦一夕而城陷王鎬乍浦所千戶倭犯城陷死之

李元律世襲衛指揮

大父振力能拔樹性孝親疾衣冠不解遇忌辰必茹素父煥熟于春秋能左右射汎卒缺餉

鼓謀入城單騎諭散之嘉靖甲寅從叅將盧鏜追倭

寇于孟家堰遇伏力戰死元律初為諸生有文名應武舉中第一人竟死于難不墜其家聲

劉大仲處州人以把總守鹽邑孟家堰之戰與指揮李

元律處州千戶薛綱俱死之

時戰沒者有寧波百戶宋應瀾及大仲黨胡大

力連仲

吳蠻牛

羅拱辰松陽人三十二年夏叅將湯克寬移守金山因

以拱辰代權攝把總與倭戰多斬馘功擢本府同知

晉浙僉事崔嘉祥紀事曰戰于石墩敗績都指揮周應禎死之五月十八日賊奪舟入海統兵

指揮劉隆潘鼎千戶晏繼芳水兵擊敗殲焉

李天寵徐州兵備代王忬撫浙張經南兵尚書提督浙

閩江南北軍務有王江涇之捷趙文華素忌二人時

以禱海神來浙遂誣奏逮詔獄論死鄭曉吾學編云自後賊益熾縱

橫出入二十六郡文華還朝未幾又出監督諸軍搜括官庫富豪金寶書畫數百萬交通蒙蔽以敗為功

以功為罪雖有沈庄梁庄之戰竟莫救荼毒之慘初經以兩廣狼土兵及永靖保順兵可用奏調至未

幾文華出督銳意見功狠兵甫至即使戰俱敗經以狠兵貪剽宜待永靖保順兵為犄角文華遂劫經養

寇詭謀速治疏上時保順永靖兵已至先破倭于川沙

寇詔逮治疏上時保順永靖兵已至先破倭于川沙
窪繼大破于王江涇禽斬千九百八十有奇捷疏後
至經竟論死萬曆間孫懋爵訟冤復官賜諡
襄愍襄愍初為嘉興令明敏有古循吏風

姚弘衛指揮征倭金山進攻陶宅賊巢戰沒

張鼎倭變志曰乙卯

九月浙直官兵會擊指揮邵鼎姚弘生員于岳陷陣殺賊賊大敗乘勝搗其巢三人皆死

徐行健襲衛指揮父玠訓甚嚴幼即以忠義自許每臨

陣必密書姓名于衣以死自誓威信孚于眾橫涇河

鳳凰山累戰勝

詳采九德倭變事畧

丙辰四月倭大至鹽行健

以兵五百當之倭分其眾一由海塘一由北王橋腹

背夾攻行健力戰死

宗禮河北叅將丙辰督學阮鶚新受提督之命倉卒與

賊遇于皂林即退保桐鄉時禮與裨將霍貫道奉命

討賊適至乃張左右翼于城下麾兵鏖戰斬首數百

以無援力竭死之時同死者副將侯槐何翹時二將以千里

赴援未嘗宿飽至即交兵勞逸客主勢相萬矣自辰

持至酉守土之兵無一旅應之者坐使勇將并命可

痛也使當時非武備盡弛桐城中得有如曹圭王子

武者一二人則內外夾擊二將可滅賊奴而朝食耳

劉寧字時泰襲衛指揮性孝友知經史歲飢移檄請賑

捐俸助之每大比設宴餞衛士之試者于西郊或曠

學廢黜貽戎胄以愧之表張氏雙節廬子銳襲職與

名流為小瀛洲會有海邨稿

王軒襲衛指揮性孝母沈在堂遠饋必令人視食與否

爲欣戚

崔成俊字朝彥初爲校官弟子受餼稟中乙榜者再後襲廕指揮又三中武科深經術善屬文著詩文名祭書集祭劍集遺命葬無以韎韁跗注必用儒者服傳

子天賜字青支中萬曆三十二年會試

天賜自序崔氏德音錄曰


天賜束髮從戎砥節勵行唯恐墮棄自筮仕來公餘不廢頌讀衛事繁劇人情難調賜惟以無事視之故事無廢而身名亦得以全藉令竊餘脂自潤事擾心昏祇取辱耳歷任遭逢無非知己自揣庸駑何以得此誠能感人勤可補拙夙夜可幸寡過以斯耳

彭雲大父程知天文累積功至衛指揮同知傳雲雲撫士卒仁性孝父疾嘗割股療之每忌辰哭必盡哀風

雨走墓下省視傳端大年嘉靖丙午倭犯唐家灣大
年募死士助父戰有功傳紹賢折節爲儒工古文辭
守禦浦口救荒平糶預給月糧收塋暴棺在金山中
丞欲去民冢廣城濠力持之得全子宗孟進士官御
史孫長宜期生

古稱漢多循吏石相文翁朱邑之徒齊蜀舒民並爲
立祠奉祀豈非所謂所居民富所去見思者乎嘉禾
自宋元設府路戶口倍增其間政平訟理稱良二千
石者蓋不乏矣而攷之志乘或佚其姓氏或沒其善
政予竊閔焉愚夫爲善不傳者之無以勸後也旣補

地錄其名于吏牒復攢摭其遺事而傳之類皆養視鰥
寡興起學官施德于民者而以勞以死勤事者尤必
誌焉非曰幽潛之闡發亦天理之不泯者爾



江國書

精燕非曰幽魯之圃發亦天聖之不知香爾良二千
衰興賦學官賦燕于只香而以幾以亟博集香火必
絲其各于吏艱身艱難其費事而轉之饑省養顯瀾

地封

嘉興縣

唐

陸

侃 贊父贈禮部尚書

宋

聞人泰

建父贈大理評事

聞人鼎

安道父贈刑部侍郎

聞人安易

璩父贈大中大夫

聞人安遠

宏父贈朝散大夫

婁

璿

機父贈太子太師

陶士達

大章父封宣義郎

項

燁

相父贈翰林學士

元

吳

森

漢傑父贈翰林學士

明明代封贈
俱照袁志

俞富益綱祖贈兵部侍郎

俞天祥綱父贈兵部侍郎

鄒福堅幹祖贈尚書

戴宗祐父封御史

弋本瑄父贈尚書

婁慶睿父封中順大夫

許宗昇紳曾祖贈太子太保禮部尚書

許忠紳祖贈太子太保禮部尚書

許觀紳父贈太子太保禮部尚書

呂嗣芳原父贈學士憲祖贈太常卿

俞伯綱山祖贈侍郎

俞仲玉山父贈侍郎

陸明善廣父贈兵部主事

尚福綱父封員外

包俊鼎父封禮部

賈露名儒父封汝寧知府

包志節父贈中書

沈璧銓父封知縣

沈嵩鑿父封主事

沈銓玄華父進階奉政大夫

戴冠鳳翔父贈太僕卿

錢立同文父封主事

呂鑑浩父贈主事

張用應治父封給事中

金桂燦父贈知縣

包憑沐父贈郎中

陸濡相儒父贈知府

孫能 詔父封 主事 包孝 漸林父贈 太僕少卿 屠章 玉父封 兵馬

談經 相祖贈 光祿卿 談豫 相父封 光祿卿 沈大禮 伯龍父 封知縣

屠鵬 元沐祖 贈參政 屠鑄 元沐父 贈參政 彭諫 輅父贈 主事

唐軫 仲寅父贈 行人司正 屠孟玄 謙父封 郎中 戚珊 元佐父 贈郎中

許梧 應達祖 贈參政 許燦 應達父 贈參政 譚本 謙父封 光祿寺署

宗穆 弘暹父贈 給事中 鄒浩 國儒父 贈郎中 王滔 家棟父 贈主事

李湘 芳父封 文林郎 沈武 堯中父贈 奉政大夫 孫志道 光祿父 贈參政

徐鏜 學周父贈 知州 必達祖贈 府尹 沈欽 國良父 贈知州 周惟義 從龍父 贈推官

陶廷錦 涵中父 贈長史 許燿 應地父 封郎中 岳商 元聲祖 贈侍郎

岳九德 元聲父 贈侍郎 黃鎬 承玄祖 贈副都御史 李應筠 日華父 贈太僕少卿

嘉興府志 卷之十一 地封 二

姜渭

學夔父 贈都事

施容

爾志祖 贈布政

施乾

爾志父 贈布政

徐學周

必達父 贈府尹

吳槐

邦俊父 贈知縣

岳九臯

和聲父 副都御史

沈思述

孚先父 封主事

譚守範

昌言父 贈參議

顧雲鵬

民岳父 封郎中

王司敬

維新父 贈郎中

黃澤

守止父 推官

馬中龍

廷獻父 贈郎中

包洽

汝楫父 贈知縣

丘民貴

履嘉父 贈副使

陶富

銘父 贈知縣

沈伯鵬

中英父 封主事

李敷

衷純父 贈員外

屠元冶

存仁父 贈主事

虞紹唐

廷陞父 封給事中

高遠

欽舜父 贈御史

屠仲行

隨裕父 贈上林苑監丞

吳翼

昌期父 贈郎中

高林

道素父 贈工部郎中

高枝

道淳父 贈光祿寺署丞

呂協祖

世延父 封通判

沈思

自省父 封武英殿中書

嚴其渙

孟忠父 贈京衛經歷

朱璣

秀徵父 封都指揮僉事

張邦政

應世父 贈光祿寺署丞

卜日時

萬祺父 贈主事

國朝

莊日思

封郎中
贈父

沈廷騏

之連父
封知縣

王炳

庭祖
贈布政

王堦

庭父
贈布政

吳輔明

三錫父
贈知縣

江臯

溥父
贈知縣

曹峻

斌父
封守備

金文琦

協廣父
封知縣

孫弘來

鍾琦父
贈中書

徐世淳

嘉炎祖
內閣學士

徐肇森

嘉炎父
內閣學士

徐彬

煌父
贈知縣

高翼光

基重父
贈知縣

高道淳

以承父
贈知州

高涑

百揆父
贈守備

朱昌來

振父
封知縣

曾元良

王孫繼父
贈員外

李衷奇

陳常祖
贈中大夫

李明罄

陳常父
贈中大夫

徐肇榮

弘炯父
贈知縣

徐爨

祚曾嗣父
贈知縣

徐弘達

王駟父
封知縣

屠昌世

塘父
政司理問

沈開泰

以斌父
贈知縣

張嘉謨

時雍父
贈知州

朱麟世

象鼎父
贈中憲大夫

秀水縣

明

林德潤

茂父封主事

馬

驥

興父封御史

陶

松

煦父封主事

陶楷

儼父贈御史

張

經

徽父贈大理寺丞

陶

儼

謨父加贈中憲大夫

陳禧

諮父封吏科給事

胡

鏞

沛父封給事中

沈

復

謚父封給事中

沈謚

啓原父加贈朝議大夫

吳

昭

鵬祖贈尚書

吳

方

鵬父贈尚書

卜宗洛

大何父封郎中

諸

敷

傅父贈僉事

鍾

靈

一元父封郎中

沈潮

伯臧父封給事中

黃鶴年

琮父贈中憲大夫

湯

誥

日新父封給事中

姚漢

弘謨祖贈侍郎

姚應科

弘謨父贈侍郎

楊應元

道亨父贈郎中

項銓 篤壽父 贈郎中

葉憲 朝陽父 封郎中

張燮 大中祖 贈布政

張載道 大忠父 贈布政

盛嵩 周父 封主事

鍾天才 庚陽父 封評事

沈英華 思孝父 封尚寶司丞

洪梁 蒸父 封主事

郁玫 蘭父 封知縣

朱建侯 廷益父 封文林郎

卜鎬 相父 封參政

陳罄 奇謀父 封知縣

姚履道 思仁父 贈御史

張桐 正鵠父 贈太常博士

王鸞 錫命父 封僉事

馬鑾 如麟父 封知縣

陳一德 懿典父 贈編修

馮第 夢禎父 封編修

范詔 之箴父 封行人司正

盛惟謙 萬年父 封主事

張寅 鳳來父 封主事

吳杰 弘濟父 封知縣

項篤壽 德順父 加贈朝議大夫

朱儒 國祚父 封少保

沈元佐 振龍父 贈兵部郎中

范之京 應賓父 贈知縣

常禾 文烜父 贈大理寺丞

曹佺 懋官父 贈大理司務

吳槐 父 贈通判

吳洪珍 鑄父 封主事

曹遵何 容父 封御史

國朝

杜 蘅 臻祖 贈尚書

杜 喟 臻父 贈尚書

錢龍珍 江父 贈郎中

張萬壽 天植父 贈侍郎

何其仁 元英父 贈行人

黃志堅 自起父 封員外

嚴錫命 臨父 封中書

屠蘭蓀 英父 封知縣

朱茂曙 彝尊父 贈檢討

毛麟瑞 延芳父 贈知縣

顧毓鼎 高嘉父 封知縣

沈瞻日 廷文父 封修撰

卜兆龍 陳彝父 贈主事

袁 朗 定遠父 贈知州

陶晉樸 耀父 封文林郎

翟懋隆 堯佐父 封知縣

葛兆魁 天麟父 贈儒林郎

范彥彪 長發父 封知縣

葛天鳳 瀨父 贈裕州州判

嘉善縣

明

錢伯珍

封昇父郎中

施俊

封奇父主事

項永原

忠曾祖贈都御史

項邦

忠祖贈左都御史

項衡

忠父贈左都御史

常縉

麟父封員外

王景明

琳父贈給事中

張彥倫

元父封衛經歷

陸鵬

邨父贈郎中

薛寅

孟父封主事

盛奎

唐父封御史

顧態

際明父贈光祿寺丞

沈揚

科父封行人司副

卞玉

錫父封中書

錢天秩

于麟父封僉事

毛儀

汝賢父封吏部主事

李學益

自華父封編修

丁袞

賓父封知縣

王周

俸父贈知府

王訪

慎德父封知縣

袁仁

黃父封知縣

葉和

繼善父贈知縣

葉穀

繼善父贈知縣

陳卿

于王父贈知縣

計尚文

元勳父封吏部郎中

國朝

孫應文

籀父贈副使

郁調元

之章父贈大理寺丞

曹

勳

爾堪父贈侍講學士鑑倫祖贈內閣學士

魏廷薦

學渠父贈督學僉事

張觀省

苗父贈郎中

沈文標

肅父封叅議

柯元芳

聳父贈給事中

吳志遠

亮中父贈員外

周宗文

宸藻父贈御史

顧朝樞

耿臣父贈郎中

陳山毓

舒父贈副使

盛國友

際斯父贈僉事

丁巖德

彥父贈主事

朱國望

張銘父贈行人

張介

我樸父封評事

陸守敬

翔華父封知州

孫繩祖

榮父贈知州

錢象儀

霞父贈知縣

沈應震

鱗父封知縣

龔靖

在升父贈知縣

周宗宜

振瑗父贈知縣

李公柱

燿父封文林郎

葉功迪

之蕃父贈文林郎

黃鳳翔

鍾父封同知

長三榮履綬父

曹爾方鑑倫父贈

丁頌全棠發父

張世榮

履綬父
贈儒林郎

曹爾坊

鑑倫父贈
內閣學士

丁穎淦

棠發父
贈知縣

沈

辰垣父
檢討

錢

煥

以澄父封
掌印給事中

陳

霆萬父
贈知縣

張承祖

王典父
贈文林郎

孫

鏜

行繼父
贈知縣

孫在鎬

行父
贈知縣

陳華育

培父
贈知縣

海鹽縣

明

錢達

琦父
贈郎中

錢

术

所父晉階
承德郎

王

勇

大猷父晉階
昭毅將軍

劉

炳

世誕父晉階
通議大夫

沈

藻

弘遇父封
奉直大夫

鄭

延

曉祖
贈尚書

鄭儒泰

曉父
贈尚書

鄭履淳

心材父封
奉政大夫

彭紹賢

宗孟父晉
昭毅將軍

朱顯宗

侃父封通政司叅議

葉德祥

春父封郎中

楊

信

經父封郎中

詹公壽

文父封郎中

戈

定遠父封御史

劉

鳳

泰父封御史

呂文遜

愷父封衛經歷

王伯惠

亮父封衛經歷

張

翥

寧父封給事中

倪政

頤父封主事

馮子安

璿父封衛經歷

劉

顯

瑋父封御史

劉珙

演父封主事

顧璋

正父封主事

沈

剛

愚父封營繕所正

沈文郁

衡父封主事

王

鎮

政父封衛經歷

錢

琦

萱芹父晉階中憲大夫

吳寬

昂父封主事

徐

昂

咸父封員外

鍾

海

梁父贈主事

吳芸

中偉祖贈按察使

吳

霽

中偉父贈按察使

徐

燾

從治祖贈尚書

徐應奎

從治父贈尚書

錢

滂

木父封知縣

張

珙

嘉秀父封員外

錢珍

薇父封給事中

沈

軒

奎父封主事

徐

煜

鵠父贈主事

馮乾

封主事

湯誥

贈員外

陳言

贈中書

顧爾洪

所有父

鍾韶

給事中

沈涑

贈郎中

陸應麟

延誥父

賀南良

萬祚父

徐應登

文治父

許敦復

士奇父

朱符

贈知縣

胡彭遠

震亨父

錢籥

應晉父

王家材

廷俊父

朱正學

泰禎父

劉仲鎮

泓父

祖彭年

重燁父

黃澤

守正父

謝子貞

錫教父

謝宰

子貞父

王達

家賢父

吳震

麟徵祖

吳中任

麟徵父

國朝

張奇齡

惟赤父

查大焜

培繼父

胡震亨

季瀛父

楊斌

雍正父封右給事中

許丕顯

全臨父贈知府

朱爾鄴

與蘭父贈儒林郎

朱學古

銓達曾祖贈左都督

朱載黃

亮采父贈知縣銓達祖贈左都督

朱亮勳

銓達父贈左都督

朱昌璘

瑛父贈通判

陳

訐

世倅父封主事

平湖縣

明

屠

湘

勳父贈尚書

屠

機

勳父贈尚書

沈

昇

琮父封主事

陸

銀

杰祖加贈都御史

沈

渭

榮父封主事

馬

昇

暉父封御史

馬

鏞

昆父贈御史

施

澤

震父封知縣

屠

楨

熙父贈知縣

沈

越

煉父贈主事

趙

璧

漢父封給事中

屠

熙

奎父加贈朝議大夫

陸墀

松父 贈都督

陸

淞

杰父 光祖 祖贈尚書

孫

軒

植祖 贈尚書

孫冠

璽父 封宗 人府經歷

孫

璽

植父 贈尚書

孫

紱

校父 封郎中

陸琇

琳父 贈中 憲大夫

姚

璋

參父 贈主事

陸

序

槐父 贈 文林郎

俞金

容伯父 封員外

沈宏光

懋孝父 封編修

陸

鰲

萬堦父 贈 僉都御史

陸楷

夢韓父 贈主事

馮俊

敏功祖 贈參政

俞

懷

南金父 贈員外

馮汝弼

敏功父 贈參政

韓文

相父 贈通判

沈

光

垣父 封評事

曹渭

承父 封 給事中

陸杲

光祖父 贈尚書

陸

槩

光祚父 贈員外

陸鮮

志孝父 封主事

姚籌

體信父 贈主事

馬

瑀

千乘父 贈參議

馬師程

應圖父 封主事

陳二典

泰來父 封博士

倪

爌

壯猷父 贈郎中

陸珂

長庚祖 贈布政

陸文典

長庚父 贈布政

馬千里

維銘父 封知縣

王言

建中父
封知縣

金錫

汝礪父
封郎中

戈思齊

用泰父
封知縣

陳治道

九韶父
封主事

陸基誠

錫恩父
贈主事

馬汝賢

明瑞父
贈員外

賀懋賢

燦然父
贈行人

施紹芳

時堯父
贈知縣

陸集

光任父
承德郎

曹一圖

徵庸父
封員外

姚體勤

士慎父

過厚

庭訓父
贈御史

胡友忠

士相父
贈郎中

劉麟

廷元祖
都御史

劉希聖

廷元父
都御史

施應埏

鳳來父
贈侍郎

馬維鉉

德澧父
贈郎中

徐望賢

調元父
封主事

沈明範

萃禎父
封副使

馬香

鳴寔父
贈主事

呂銘

濬父
贈主事

陸瑞銓

之祺父
封郎中

陸廷勳

懷玉父
贈員外

徐子方

在中繼父
贈員外

徐子章

在中父
贈員外

陸道光

從論父
贈員外

陸在前

鏊父
封主事

陸基厚

錫明父
封主事

陳鼎

謨父
馬司指揮

張思孝

行采父
儒林郎

國朝

馬德澧

紹曾祖
贈侍郎

馬嘉標

紹曾父
封侍郎

陸本

光旭父
封御史

邵朗

延齡父
封中書

陸濬睿

棗父
贈編修

楊兆梧

燦父
贈知縣

顧祖履

天挺父
封知縣

陸標錫

隴其父
封知縣

陸懷玉

祚蕃父
贈參議

過銘楹

澤遠父
封知縣

倪承裕

籥元父
贈知縣

楊國訓

際亨父
封通判

高見靈

士奇曾祖
贈詹事

高尚賢

士奇祖
贈詹事

高允中

士奇父
贈詹事

沈原瀾

德鴻父
封守備

陸大柱

炯父
贈知縣

陸穉升

筠父
封知縣

馬嘉植

煥曾父
贈知州

馬嘉棟

煥父
贈知縣

金煜

作輅父
贈知縣

沈暉

崑父
封主事

徐錦

吳治父
贈知縣

陸深原

楸父
贈知縣

馮聖齡

千英父
封知縣

及文選

雯昭父
贈知縣

石門縣

明

程德剛

本立父贈
僉都御史

楊

述

青父贈奉
政大夫

潘

興

蕃祖贈左
都御史

潘盛

蕃父贈左
都御史

呂

淇

糖父封錦衣
衛副千戶

呂

綸

希周父封
吏部郎中

周墳

父贈
事中

姚

璘

鵬父
贈主事

張

善

文憲祖贈
太常寺卿

張

入憲父贈
太常寺卿

沈

鼎

宏父
贈郎中

姚

敏

汝舟父
贈郎中

焜

勉
璋父
贈知縣

郭

鎬

鼎父
封推官

王武卿

銳父贈光
祿署丞

懷思

田父
贈員外

趙

聰

巖父
封御史

沈

彧

榮父贈都
督府經歷

徐思敬

植父封光
祿寺署丞

李文達

雅父贈
衛經歷

趙

珪

讓父封
郎中

陸鑾

楷父 封知縣

金可久

枝父 封主事

勞王事

永嘉父 封中憲大夫

沈日諾

大德父 贈知縣

寶卿

文昭父 封通判

吳沛然

之屏祖 贈提學副使

吳尚倫

之屏父 贈提學副使

顧文昌

朱父 封行人

金鏡廉

濂父 封知縣

國朝

鍾煥

鼎父 封知府

張雅音

行生父 封同知

鍾景音

朗父 封員外

勞俶融

之辦父 封主事

姚斌

朗父 贈主事

勞永存

俶胤父 封知縣

范居信

汝瓚父 贈儒林郎

范居元

汝瓚本生父 贈儒林郎

郭欽華

演父 封奉直大夫

朱繼芳

輔父 贈知縣

朱輔

震父 贈提學副使

朱元凱

震嗣父 贈提學副使

吳中允

涵祖 贈吏部侍郎

吳夢寅

涵父 贈吏部侍郎

沈思忠

寧父 贈知府

鍾天奇

璜父 贈中書

張行與

奇英父 贈知縣

方國圻

周士父 封同知

桐鄉縣

明

錢

泰

貢父 贈郎中

鍾

德

繼元父 贈員外

李

昊

樂父 贈給事中

馮

倫

孜父 贈郎中

沈

葩

丞父 贈知府

沈

佳

思充父 贈主事

夏

儒

勳父 贈知州

盛

蘭

國禎父 贈序班

錢

夢傳

允鯨父 贈給事中

沈

照

錫父 贈知州

姚

應張

繼舜父 封郎中

鍾

槩

燧父 封承清衛經歷

國朝

孔

邇

自洙父 贈提學僉事

唐

元毅

彥袞父 封知縣

張

王道

超父 贈知縣

仲

應鶴

弘道父 贈知縣

鄭

昌世

蘊弘父 贈中書

施

昌

鈇父 封州同

汪

文淇

森父 贈郎中

金

學汾

樟父 贈主事

金

士瑜

贈主事

恩廕

唐

陸

侃

灞子溧陽令

宋

聞人安壽

建子太子中舍國子博士

聞人安世

建子主簿

聞人完

安道子宣德郎

聞人案

安道子從政廸德郎

聞人永

宏子廸功郎

聞人祖憲

阜民子儒林郎

聞人滋

璪子勅令刪定官

聞人松

符子通直郎

元

黃中玉

平山子縣尉

明

俞寬義 綱子承事郎

俞誥 綱子知府

鄒幹 濟子應天府學生中式

鄒煜 幹子大理卿

鄒煥 幹子國子生

許長齡 紳子國子生

談文明 相子國子生

沈士臯 思孝子國子生

黃寅錫 洪憲子國子生

黃申錫 承玄子國子生

黃庭蓀 父申錫卒補廕

岳潢 元聲子詹事府主簿

岳沖 和聲子國子生

徐肇森 必達孫國子生

徐弘燿 必達孫國子生

譚貞和 昌言子國子生

王世駿 胤昌子錦衣衛千戶

王永隆 父世駿卒襲錦衣衛經歷

呂憲 原子中書中式以下秀水

呂言 憲子通判

吳繼 鵬子知府

項鏞 忠孫世襲指揮僉事

項元濬 鏞子錦衣衛千戶

項世芳 元濬子錦衣衛千戶

屠鈞 勳孫國子生

朱大競 國祚子知府

朱大烈 國祚子主事

朱大觀 國祚子知府

朱大治 國祚子

朱大定 國祚子同知

姚以亮

思仁子 知府

姚以亨

思仁子 知府

姚以高

思仁子

姚澣

父以高 卒補廕

朱茂時

大啟子 知府

俞文煥

綱孫 知州 以下嘉善

項鎧

忠孫 序班

丁鑛

賓子

丁淑已

賓孫 治中

丁濬已

賓孫

魏允柟

大中孫

錢燾

士升子

鄭履準

曉子 郎中 以下海鹽

鄭心材

曉孫

徐同貞

從治子 錦衣衛百戶

陸光弼

杰子 前府都事 以下平湖

陸光畿

杰子

陸煒

松子 中書

陸繹

炳子 錦衣衛指揮

陸基忠

光祖子 郎中

陸基恕

光祖子 郎中

陸在廷

父光畿 卒補廕 大僕寺丞

孫成憲

植子 郎中

施宸鉉

鳳來孫

馬嘉柱

德澧子

潘儒 蕃孫同知 張汝正 文憲子同知

國朝

莊澐 麟子國子生嘉興 王援 庭子嘉興

郁喬 之章子嘉善

鄭世昌 大興人 中軍守備 珏子 征霞 埭村 賊戰 歿 順治十七年 廕 拖沙喇哈番 入海寧衛 左所 海鹽

浙



浙江圖書館



浙江圖書館



浙江圖書館




浙江圖書館




浙江圖書館



浙江圖書館



浙江圖書館





浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black